

**SIXTH LEGISLATIVE ASSEMBLY OF MIZORAM  
(FIFTH SESSION)**

**LIST OF BUSINESS**

**FOR FIFTH SITTING ON TUESDAY, THE 23<sup>rd</sup> MARCH, 2010  
(Time 10:30 AM to 1:00 PM and 2:00 PM to 4:00 PM)**

**MEMBERS PRESENT**

Pu **R. Romawia**, Speaker at the chair, Deputy Speaker, 11 Ministers and 25 Members were present

**QUESTIONS**

1. *Questions* entered in separate list to be asked and oral answers given.

**LAYING OF PAPER**

2. *Pu R. LALZIRLIANA* to lay on the table of the House a copy of Delimitation of Parliamentary and Assembly Constituencies in the State of Mizoram Publication of Commission's Notification making corrections in Delimitation Commission's notification dated 27.5.2005.

**STATEMENT BY A MINISTER**

3. *Pu R. LALZIRLIANA* to make a statement on recent incident in Guwahati

**LEGISLATIVE BUSINESS**

**Bills for introduction**

4. *Pu LALSAWTA* to beg leave of the House to introduce "The Mizoram Salaries, Allowances and pension of the member of the Lagislative Assembly (Fourth Amendment) Bill, 2010"

*ALSO  
to introduce the Bill.*

5. *Pu LALSAWTA* to beg leave of the House to introduce "The Mizoram Salaries and Allowances of Minister (Fourth Amendment) Bill, 2010"

*ALSO  
to introduce the Bill.*

6. ***Pu LALSAWTA*** to beg leave of the House to introduce “ The Mizoram Salaries and Allowances of the Speaker and the Deputy Speaker (Fourth Amendment) Bill, 2010.

***ALSO***  
***to introduce the Bill.***

7. ***Pu LALRINLIANA SAILO*** to beg leave of the House to introduce “  
The  
Mizoram State Agriculture Produce Marketing (Development and  
Regulation)  
(Amendment) Bill, 2010.

***ALSO***  
***to introduce the Bill.***

8. ***Pu LALRINLIANA SAILO*** to beg leave of the House to introduce “The  
Mizoram Medical Council Bill, 2010”

***ALSO***  
***to introduce the Bill.***

**FINANCIAL BUSINESS**  
**GENERAL DISCUSSION ON THE BUDGET FOR THE YEAR 2010-2011**

9. General Discussion on the Budget for the year 2010-2011 to resume. (to be concluded)

**S P E A K E R** : Kan hrilh ang ngei che u khan phili ruai lovin mahni hna theuh nei tlat in mahni kut ngei hmangin hna thawk rawh u, tichuan miten an ngaisang ang che u a, engmah tlakchham in nei lo ang.

1Thes 4:11-12

Zawhna leh chhanna ah kan kal leh nghal mai anga. Starred Question No.41 zawt turin Pu C. Ramhluna ka ko ve.

**Pu C. RAMHLUNA** : Pu Speaker, Starred Question No.41 Agriculture Minister zahawm tak chhan atana ka zawh chu hei hi a ni.

- (a) Kum 2009 chhung khan thlai chi lei nan sum engzatnge Sorkarin a sen? Eng chi te nge, a quantity nen.
- (b) Heng thlai chi te hi quotation fumfe nei a lei an ni hlawm em?
- (c) Thali chi lei te hi eng angina nge sem chhuah an nih? tih ka zawt e.

**S P E A K E R** : A chhang turin Minister for Agriculture Department Pu H. Liansailova i lo sawm ang.

**Pu H. LIANSILOVA, MINISTER** : Pu Speaker, kan Member zahawm tak, Pu C. Ramhluna zawhna chhanna chu-

- (a) Kum 2009 chhunga sum sen ngai zat leh thlai chi lei te leh a quantity chu a hnuaiiah hian tarlan a ni.

Sl.No	Name of Crops	Quantity in Qlt.	Amount
1.	Maize	1396.27 qtl	Rs. 58,64,334.00
2.	Paddy	2006.6 qtl	Rs. 41,13,530.00
3.	Cowpea	105.8 qtl	Rs. 9,52,200.00
4.	French Bean	65.00 qtl	Rs. 5,85,000.00
5	Soya bean	382.13 qtl	Rs. 17,57,798.00
6	Field Pea	166.6 qtl	Rs. 9,99,600.00
7	Wheat	7.70 qtl	Rs. 20,020.00
8	Mustard	76.00 qtl	Rs. 4,94,000.00
9	Arhar	35.00 qtl	Rs. 2,18,75.00
10	Groundnut	309.50 qtl	Rs. 15,47,500.00
11	Moong	120.33 qtl	Rs. 9,32,557.50
12	Rajma	26.50 qtl	Rs. 2,48,835.00
13	Rice Bean	23.00 qtl	Rs. 28,366.00
14	Sweet Corn	4.80 qtl	Rs. 10,08,000.00
	<b>TOTAL</b>		<b>Rs. 1,87,70,490.50</b>
	<b>VEGETABLE SEED</b>		
1	Onion var.Matahari	260 pkt	Rs. 1,82,000.00
2	Ladys Fingers. Sonali var	400 pkt	Rs 50,000.00
3	Cabbage Imp. Vahar var	465 pkt	Rs 93,000.00
4	Hot Pepper. Sreenath var	308 pkt	Rs 55,440.00
5	Cauliflower.NP-2801 var	350 pkt	Rs 66,500.00
6	Brinjal (Eggplant) Rajni var	1000 pkt	Rs 40,000.00
7	Broccoli. Ashwarya var	300 pkt	Rs 61,500.00
8	Raddish. Hill Queen var	634 pkt	Rs 28,530.00
	<b>TOTAL</b>		<b>Rs. 5,76,970.00</b>
	<b>GRAND TOTAL</b>		<b>Rs. 1,93,47,460.00</b>

Vegetable seed ah hian Rs. 5,76,970.00 sen ani a.

Zawhna B-na zawhna chu heng thlai chi lei te hi quotation fumfe nei a lei an ni em? tih ani a. A chhanna chu Department-in thlai chi a lei te hi quality or certified yielding seed high variety a ni deuh vek a. Chung chu National Seeds Corporation leh M/s Menhems India pvt. Limited atang te a lei an ni a. Heng hi an Authorized Dealers te kal tlangin Company price a lei a ni a. Tin, DPAB or State Puchase Advisory Board in a ngaihtuah a chutianga approved a lei chu a ni.

Tin, thlai chi lei te hi eng anga semchhuah nge tih hi- thlai chi leite hi DAO tin te - District-ah allotment pek anni a. Tin, Directorate atangin engemaw zat semchhuah a ni bawk.

**S P E A K E R** : Zawhbelhna, Pu C. Ramhluna.

**Pu C. RAMHLUNA** : Pu Speaker, khatiang zat thlai chi kha kan lei a. kan lei dan kha quotation pawh ko lem lovin, National Seeds Corporation atang te in leh Certified Seeds te an nih avangin a neitu approved firm atanga lei ni in alang a.

Ka han hriat duh chu khatiang zat thlai chi kan lei hma khan assessment fumfe tak, requirement nei a lei kan ni em? nge ni, kan remchan dan angina kan lei a DAO hnenah kan semchhuak mai? tih lai kha ka hriat duh lai a ni a. A chhan chu, PAC-ah khan kan thu ve a, AG atanga objection tam ber chu seeds tam tak an lei, mahse, semna mumal hriat si loh te kha a awm duh viau a. Khatiang ang khan kan lo kal ve mai em ni ang aw! tih kha ka ngaihtuah deuh hlek a. Kha lai taka kha min han chhan theih chuan ka lawm hle ang.

Tin, a dang leh ah chuan kan Mizoram thlai thar ho (seeds) hi hetiang ang zat zat phai lam atanga lei lo hian sem chhuah atan a hman ve theih lawm ni? A chhan chu hun hmasa lamah te khan Organic farming kha nasa takin kan encourage a, Dan te pawh kan siam a. Khatiang ho hnen atang te khan lei ve theih nita selang chuan a chi quality te pawh kan nei tha ang a, chubakah organic a nihna lai tak kha a hlutna lai a ni leh nghal a. Tin, a hralh te pawh kha a tha ang a, tiang zawng khan kan Sorkar hian ngaihtuahna a hmang thei em? tih kha ka zawt belh duh a ni e.

**Pu K. LIANTLINGA** : Pu Speaker, ka lawm e. Ka zawhbelh duh chu heti zat zat thlai chi lei kha, khawi hmun hmunah te nge an chin a, a beneficiaries kha min hrih thei em? tih leh a pahnihaah chuan, thlai chi hetiang zat atang hian kumin chhung khan quintal engzatnge thar chhuah an nih hlawm? Tin, a hralh lehna amount tenen min hrih thei em? tih kha ka zawhbelhna a ni e.

**S P E A K E R** : Chhang turin Minister Pu Liansailova.

**Pu H. LIANSILOVA, MINISTER** : Pu Speaker, Pu C. Ramhluna member zahawm tak zawhbelhna kha chhang hmasa ila. Heng thlai chi kan leite hi Centrally Sponsored Scheme MMA an ti a, macro-management of Agriculture- chumi hnuai atanga pawisa sum leh pai kan hmuh hman a ni ber a. Tin, chu chu double cropping atan Rabi season tan hian hman tura tih a ni a. Engtia rei nge hei hi lo implement a nih tawh tih phei chu ka sawithei mai lo na a, nikum atang leh kumin atang hian kan Department hmalakna te hi hmuh tur a awm nual tawh a. Tin, a demand awm ang zel hi a chi kan chah dan a ni. District tin ten khami programme hnuai atang khan requirement an rawn siam a, chumi behchhan chuan heng thlai chi te hi rabi crops, double cropping atana hman theih chi te hi chah a ni a, chu chu ka chhan dan ni mai selang.

Tin, a semna ah pawh an rawn demand, an requirement base a pek a ni tlangpui a. Tin, Aizawl Headquarters atang pawn, khung kan Emporium atang te pawhin thlai chi rawn dil an tam ve bawk avangin, Directorate atang pawhin sem chhuah/pek chhuah a ni ve bawk thin a ni.

Tin, thlai chi kan ram chhung atanga lei tih kha, hei hi tunhma pawhin Sorkar hmasa pawhin a lo kalpui chin a awm ang, kan zu hre em em lova. Keini hetia kan Sorkar takah hi chuan policy thar ang deuh a kan sawi anih pawhin tum dan fel tak chu kan nei a. Kan ram atanga kan chin a, kan ram climate, a zone, a area in a ngeih tawh ani tih kan hriat a hi chu KV hian a trial a, an bei a. Kuminah hian thlai chi engemaw zat, mahni area mil tur kha an enchhin a, hei bawkbawn te, buh te, wheat te, chutiang chuan thlai chi hrang hrang, chutia scientific taka research beh chhana, hei hi chuan kan ram leilung a ngeiha, a hlawk ani an tih a kha, a seed foundation pek chhuah a chutia a seed tihpuna kan ram chhungah hian a chi keimahni a theih chin china intodelh tumin hma la ila, tiin tunah hian kan kalpui tan a. Engzatnge ni lei tur awm thei ang tih erawh chu a hunin a la hril ang a, kan programme kan hlawhtlin dan a zir te pawh ani ang a. Ram pawn atanga thlai chi lei reng mai hi lehlamah chuan pumpelh theih hram hi tha in kan hria a. Mamawh aia tam chah thin te pawh a awm thei niin alang a. Chu chu ka chhan thei dan ni selangin.

Tin, kan member zahawm tak Pu K. Liantlinga han zawhna kha a information kha ka nei mai lova. Amaherawhchu, thlaichi kan chin tir te hi a individual beneficiary-te te kha chuan helai atanga han umzuia hming han in pek chu a har khawp ang a. A DAO concerned-ah te anmahni in an lo sem ve leh a. Anni pawhin a sem zawng zawng record-a an thar zat han lak leh hi kan lo tih thin vak loh anih avangin anni pawhin information chu a chipchiar tak chuan an neih ka ring lova. Amaherawhchu, a tlangpuiin heng motor chana kan tih te, buh IR 64 tuna kan enchhin a kan tarchhuah te, heng thlai abik deuha pawimawha kan neih erawh hi chu an neih ka ring a. Amaherawhchu, tunah hian detail-a information inpe turin ka nei lova. Tin, kan DAO lam atang pawhin, kan field lam atang pawhin record chipchiar tak hi chu an neilo maithei a ni, min hriatthiam pawh ka'n dil a tan kan la chho zel a helamah hian hma sawn hret turin tan kan officer hote hian an la mek a ni tih erawh chu ka chhan theih tawk ni selangin. Ka lawm e.

**S P E A K E R** : Awle. Ka lo notice ve erawh chu an vegetable seed kha a var hlir mai kha a ni a. A var kha an va uar em ka ti a ni.

Tunah zawhna No.42-naah kan kal anga. Pu Lalduhawma, zawhna neitu hi remchan lohna a neih avangin a lo kal lova. A aiawhin Pu Lalthansanga a ruat a, Pu Lalthansanga zawhna No. 42-na zawt turin ilo sawm ang.

**Pu LALTHANSANGA** : Pu Speaker, ka lawm e. Pu Lalduhawma zawhna Starred question No. 42-na Agriculture Minister zahawmtak chhan atan-

- (a) Farm Machinery Training & Testing Institute in Farm Power & Machineries Directory a siam min pe thei em?
- (b) Heng zingah hian engtin nge pek chhuah theihna kan neih ve?
- (c) A man zat leh subsidy zat nen, tih ka zawt e

**S P E A K E R** : Chhang turin Agriculture Minister Pu H. Liansailova i sawm ang.

**Pu H. LIANSILOVA, MINISTER** : Pu Speaker, kan member zahawmtak Pu Lalduhawma zawhna, member zahawmtakin a rawn zawh sak chhanna chu hetiang hi a ni e.

Farm Machinery Training & Testing Institute hian Farm Power & Machineries Directory an siam loh avangin pek tur kan nei lo. Tin, heng zingah pawh hian pek chhuah tur Directory kan neih loh avangin kan hre lo. Tin, a man zat leh subsidy nen tih pawh hi chutiang chu kan hriat dan a nih avangin a man zat leh a subsidy sawi tur kan hre lova, chu chu ka chhanna a ni e.

**S P E A K E R** : Zawhbelhna, Pu Lalthansanga

**Pu LALTHANSANGA** : Pu Speaker, neih loh thu kan han hria a, Sorkar hmasa ah khan machineries hi a thlawna pek hriat chhuah hi a awm deuh nual a. Huan neitute tan phei chuan a tangkai hle mai a, grass cutting machine tih ang chi te leh khatiang hrang hrang, eng eng emaw kha a awm a, chutiangte tunah a awm lo a nih chuan he kan Sorkar thar ropui tak hian tih theih dan te a ngaihtuah thei em? tih kha ka'n zawhbelh a ni.

**S P E A K E R** : Chhang turin Pu H. Liansailova ilo sawm ang.

**Pu H. LIANSILOVA, MINISTER** : Pu Speaker, nichin khan ka'n han sawi ta mai lova. Thil hriat sual palh te pawh a awm thei a. Farm machinery Training Institute hianin farm power leh machinery directory an siam hi kan lo la hre lova. Amaherawhchu, Central Institute of Agriculture Engineer (CIAE) te erawh hi chuan Directory of Agriculture, Machinery & Manufacturer tih an siam a, chu chu Department-in kan nei a. Mizoram farmers te mamawh tur ang te thlang chhuak in, Macro-Management of Agriculture Guidelines zul zui hian Annual Work Plan-ah te kan dah thin a. Kum thar lo awm turah pawh hian 2010-2011 atan hemi MMA hnuaiah Draft Work Plan ah dah kan nei nual a. Chung te chu self proposal pedded ripper- hei hi a subsidy chu 25% of the cost a ni a. Amaherawhchu, RS. 400,000 aiin a sang tur a ni lo tih a ni a. Tin, specialized power driven equipment- hei potato phun leh chinna te. Tin, tractor drawn ripper te, cleaner tih ang chi te- heng hi a subsidy chu 25% of the cost a ni a. Amaherawhchu, Rs. 15,000 aiin a subsidy kha a sang thei lova. Tin, specialized power driven equipment zero steel sheet and fertilizer drill raised bed painter tih ang chi te, propagator tih ang chi te- hetiang ho atan pawh hian 25% cost kha subsidy a phal a ni a. Mahse, a costing ah khan 20 thousand aiin a sang thei lova. Tin, manual operated implement, nichin a an han sawi chhuah tak bik ang te kha 25% of the cost a ni a, mahse, a subsidy kha Rs. 20000/- aiin a sang thei lova. Tin, power driven equipment, tractor driven te, plough te, cultivator and seed and fertilizer drill te, hei pawh hi a subsidy ceiling kha Rs. 10000/- aiin a sang thei lova, 25% subsidy phalsak anih lai khan. Tin, diesel electric cum set pawh Rs. 10000/- aia sang lo tur, a subsidy kha 25% of the cost khatiang kha a ni a. Tin, Plan Protection Equipment-ah pawh hian Rs. 8000/- khum lo tur in a subsidy kha, 25% of the cost a Rs.8000/- a khum dawn chuan 25% khan a kal theilo tihna te pawh a ni ang chu, chu chu zawhna kan chhan theih dan chu a ni e.

**S P E A K E R** : Zawhbelh leh na.

**Pu LALTHANSANGA** : Pu Speaker, CIAE (Central Institute of Agriculture Engineering) in khatiang an rawn ti a nih kha chuan a directory kha MLA te hi min pe thei a ngem? tih kha ka han zawt a ni.

**S P E A K E R** : A chhang turin Pu Liansailova

**Pu H. LIANSILOVA** : Pu Speaker, a directory kha a lian tham deuh maithei a, Department hote ka lo zawt ang a. Han in pek theih tura harsa lo anih chuan kan rawn tum a nge.

**S P E A K E R** : Starred Question No. 43-na zawt turin Pu K. Liantlinga ilo sawm ang.

**Pu K. LIANTLINGA** : Pu Speaker, ka lawm e. Agriculture Department Minister zahawm tak zawhna starred question No. 43-na chu hei hi a ni.

- (a) NLUP hi Mizoram Sorkar-ah lak luh a ni tawh em? tih a ni a.
- (b) NLUP Beneficiaries te hi rampum huapin thlanfel a ni tawh em? tih a ni a.
- (c) NLUP hmalaknaah hian Trade chi hrang hrang engzatah nge then anih tih a ni e.

**S P E A K E R** : A chhang turin Pu H. Liansailova, Agriculture Minister ilo sawm ang.

**Pu H. LIANSILOVA, MINISTER** : Pu Speaker, kan member zahawm tak Pu K. Liantlinga zawhna chhanna chu hetiang hi a ni e.

- (a) NLUP hi Mizoram Sorkar Programme pawimawh tak pakhat a ni a, hei kan sawi danah chuan Flagship Programme tih te pawh anih hi.
- (b) Beneficiaries hi Mizoram pumpui huap in kum khata kan lak theih ang tur te thlan a ni tawh a. Amaherawhchu, ennawn leh tula hriat anih avangin tunah hian ennawn leh tura kalpui mek a ni e.
- (c) Activity Trade hrang hrang hetiang hi a dinhmun chu a ni.
 

1. Agriculture-ah Activity Trade	4
2. Horticulture-ah	9
3. AH & Vety-ah	5
4. Soil & WC-ah	3
5. Fisheries-ah	1
6. Sericulture-ah	1
7. Forest-ah	1
8. Industries-ah	28

A vaiin a tlangpuia lak a ni a hei hi 52 a ni e.

**S P E A K E R** : Zawhbelhna Pu K. Liantlinga

**Pu K. LIANTLINGA** : Pu Speaker, ka lawm e. NLUP Mizoram Sorkar flagship programme-a awm chu a lawmawm a, Mizoram Sorkar hi mipui te ta a ni tih kha kan sawi duh a. Beneficiaries thlan chungchangah hian uluk taka thlei bik nei lova thlan a ni thei ang em? Entirnan, ka bial chhungah College Vengah chuan Selection Board chu an rawn siam a. Board chu a thu lova, Board member prominent citizen an dah te pawh kha an thu lova. Hmun dangah pawh prominent citizen te tel lovin tam tak thut a ni a, chu chu Chairman hnenah pawh ka thlen nghe nghe a. Enfiah turah pawh in a ti a. Mahse, vawiinni thleng hian a enfiahna chu ka la hmu lova. Amaherawhchu, helai selection chungchang ah a tu a pawh lo ruat sela Village Council te leh prominent citizen pathum zel an ruat ten en uluk taka a retheih dan emaw, a tul dan indawta priority pe in thlan a ni thei ang em? tih kha ka zawhbelhna a ni e.



**S P E A K E R** : A chhang turin Pu H. Liansailova

**Pu H. LIANSILOVA, MINISTER** : Pu Speaker, NLUP hi tute bik tana siam a ni lova. Thingtlanga kut hnathawka ei zawng, a bikin thingtlang lo neia eizawng te, tin huan lo ram nghet siam tura eizawng tur te, tin, khawpui chhung ami te pawh ngelngnet zawk a eizawna an neih theih na turin sustainable farming, land base a siam tura hmalakna tur a ni a.

Tin, chubakah chuan a land base remchang lo leh industry lamah te, tin, mihring skill hman tangkai thu ah te, chutiang ah erawh chuan sustainable income an neih theihna tur atana ngaihtuah tur a ni a. Tin, chutiang mamawh te zawng zawng huap tura duan anih avangin thlei bik hi an awm tur a ni lova. Amaherawhchu, vawi khatah chhungkua nuai khat leh singnga kha kan pek burh theih loh avangin thlan hmasak hi chu an awm thei lova. Chuta thlan hmasak atan tute nge ni tihah pawh hian a committee te, a Board tan an han ngaihtuahin a tha tur awm angah chuan ti hlawhtling thei ngei tur thlan tur awm si ah chuan chu chu ngaihtuahna an hmang turah ngaih a ni a. Entawn tur mi hmasa, a kal hmasa te hi entawntlaka an lo chet chuan kan NLUP hlawhtlinna tur pawh anih kan ring a. Chuvang chuan, thlei bik a awm dawn lova. A dawng hmasa te hian an hmu hmasa a ni mai dawn a. Tin, mi zawng zawng a huap dawn avangin thlei bik chu awm lo turah ngai ila a tha ang e.

**S P E A K E R** : Tunah starred question No. 44-na tuna mi ang deuh tho kha a ni a. Mahse, Pu B. Lalthlengliana zawhna a ni a, han zawt sela.

**Pu B. LALTHLENGLIANA** : Pu Speaker, Agriculture Minister zahawm tak chhan atan- NLUP hian eligible beneficiary zawng zawng a huam ve dawn em? tih a ni a. Ka zawhna takah chuan Party dang a huam ve dawn em? tih hi ka original zawhna a ni a. Mahse, tah hian eligible beneficiary tiin an rawn thlak a. Kan Agriculture Minister hian ka zawh tum chu a hre thei mai ang chu maw.

**S P E A K E R** : A chhang turin Pu H. Liansailova

**Pu LIANSILOVA, MINISTER** : Pu Speaker, tuna kan member zahawm tak Pu B. Lalthlengliana zawhna kha zawhna pawimawh tak a niin a lang a. NLUP hi zawhna hmasa kan chhan tak ang khan, ram leilung nghahchhan a eizawna kan ramin a mamawh en a siamna tur a nih avang hian chutianga eizawng leh eizawna nghet neilo khawpuiah leh hmundangah pawh chung te tan chuan a nih avangin mi zawng zawng huap tura ruahman a ni a. A baseline survey pawh hian huap thei tur awm zawng zawnga a ngaihte survey kan neih ah khan kan hotute an fimkhur em em a. Kan ram chhung mi ngei, electoral roll a chuang ngei, number nei ngei te ti a, inhrang ding te chhiar a nih avang khan mi pawh rin aiin kan thahnem angreng a. Ka hriatsual loh chuan 15000 vel niin ka hria a. Chuvang chuan beneficiary eligible ah hian eligible tura ngaih kha chu tel vek thei tura duan leh tih tum a ni tih kha ka sawi nawn pah in chhanna ni mai rawh se.

**S P E A K E R** : Zawhbelhna Pu B. Lalthlengliana

**Pu B. LALTHLENGLIANA** : Pu Speaker, kan Minister zahawm tak in a chhanna kha Assembly a chhanna ah hi chuan a mam a, a lawmawm viau thin a. Amaherawhchu, Village level-ah hian thil fello tam tak a awm thin avangin Assembly-a a fel ang hian fel ziktuak thei sela chuan a tha hle tur anih laiin a thalo thin hi kan buaina a ni a. Ka zawh duh hmasa ber chu 2009-2010 financial year a ral chho mek a. Nichina kan Minister zahawm takin 150000 thlan tur a tih kha kumkhat chhung atan ni turah ka ngai a. He Financial Year a lo tawp takah hian pek hman an ni si lova. 2010-2011 financial year lo awm leh turah hian hetiang zat bawk hi thlan a ni leh dawn em? tih ka zawt leh duh a.

Tin, tih hlawhtling tur chauh thlan an nih tur thu kha nichina a zawhna hmasa a chhannaah a sawi zawkin ka hria a. Tuna thlan tawh list kan en hi chuan party dang hi an awm lo deuh vek niin a lang a. Chuti a nih chuan he Sorkar hian NLUP tih hlawhtling tura an ngaih zawng chu Congress chin chauh hi tihna em ni? tih ka han zawh belh leh duh bawk a ni.

**S P E A K E R** : Pu C. Ramhluna'n zawt belh leh sela.

**Pu C. RAMHLUNA** : Pu Speaker, ka lawm e. Pahnih ka'n zawh belh ve teh ang. Pu Speaker, hmanni a kan sawi tawh ang khan 2009-2010 Budget-ah khan nuai singkhat NLUP-ah kan dah kha a ni a, chu chu kan passed vek tawh kha a ni a. Nimahsela, revise budget-ah khan nuai zali sawmli pariat kha budget-ah a lo lang ta chauh si a. Tichuan adang nuai sangkua zanga sawmnga pahnih hi revise ah a lang ve ta tlat lo mai a. Nuai sangkua zanga sawmnga pahnih hi hmun danga hman niawma hriatna kan nei a, House Leader khan a sawi bawk a, hmannah khan he pawisa hmanna hi hriattir theih kan ni ang em? A chhanna chu budget kan approved tlang a, kan pass tlang a ni si a. Hetianga RBE-a nuai zali sawmli pariat chauh lo lang vaibelchhe sawmkua panga leh nuai sawmng pahnih lo hman tak daihna kha hriat a chakawm hle in ka hria a. Thingtlang mipui pakhat mahin cheng khat mah an dawng bawk si lo. NLUP atan dah ni bawk si hi eng atana hman nge a nih? tih lai hi hriat a chakawmin ka hria a chuti lai chu, kan Minister zahawm tak hian min hriattir thei sela ka duh a, ka ngen bawk a. Tin, chubakah chuan nichina a sawi tak ang khan, a tihlawhtling tur han tih lai tak mai a hi, a sem a sem pawh la awm hawt hma a, tihlawhtling tur han tih a hi eng angin nge criteria kan siam tih lai taka hi hriat a chakawmin ka hria a.

Ka bialah chuan, hemi avang hian mi an inhuat phah tan tawh a. Taima fal bik an thlang ni ah an inngai tlat mai a. In 270 vel awmna ah in 60 vel an thlang ta a, hengho hi mi taima bik an rawn thlan chhuah chu a nih hi tiin kut in an kawka. In 200 rual a kha chu mithatchhe awmkhawm, sorkarin engah mah a ngaih loh in nih hi tiin boruak an theh a, an in haw dawn tlat tawh a ni. Khalai a kha engang chiah in nge a tihlawhtling tur tih lai tak boruak a hi, kan hotute 'n ngaih dan in lo siam tih hi, nichina zawhna ang khan kan zawt belh leh duh a ni e.

**S P E A K E R** : Awle, a chhang turin Pu H. Liansailova sawm ila, tuman a zawhbelh theih tawh loh.

**Pu H. LIANSILOVA, MINISTER** : Pu Speaker, tuna zawhbelhna te kha tiang hian chhang ta ila- Pu B. Lalthlengliana kan member zahawm takin a zawhna kha nuai 1,50,000 an tihna chhan kha chu hemi NLUP target tur a beneficiary target tur, Mizoran pumpui kan survey a lo lang kha a ni a, hei hi kumtin in (Pu B. Lalthlengliana- Pu Speaker, term khat atan a tihna em ni?) kan thawh chak dan a zir a ni anga, kum 5 chhungin hei hi hmalak nan duan phawt a ni a. Amaherawhchu, eng angin nge kan kal dawn tih chu hun in ala hril ang a.

Engpawh nisela nuai 1 leh sing 5 kan sawilan a kha chu, kan based line survey-in NLUP-ah eng kum chhung nge kum 5 nge kum 7 nge, khami a beneficiary kan Mizoram khua leh tui dik tak, electoral roll a chuang, NLUP dawn dawn vanga bawkte va khawr a indang thei mai, khatiang tel lo khan a ni a. Hemi hi a hma tiamin kumtin in, kan thawh chak dan a zirin lek chhoh tur a ni a, chu chu ka chhanna nita selangin.

Tin, village level-ah te engemaw inthliarna leh harsatna a awm tih kha a ni a. Thil sem hi NLUP kher lovah pawh thil sem hi harsa deuh mai a ni a. Chung problem te pawh chu a awm chho thei ang tih pawh a rinawm a. Amaherawhchu, thingtlang lamah kan hotute fel tak tak an awm a. Tin, bialtute'n an mite pawh an awm a. Tin, District-ah kan committee rin tlak tak tak te an awm a. Eng eng emaw lo awm te pawh harsa lutuk lovin chin fel theih zel a nih chu kan beisei a.

Tin, Pu C. Ramhluna, kan member zahawm takin a rawn zawh a kha, kumin financial year, nikuma kan budget pass tawh ah khan crore 100 kha NLUP atan Agriculture budget-ah grand-in-aid head-ah dah a ni a. Amaherawhchu, nichina zawhna a ka'n sawi tawh ang khan Budget kan han pass veleh a, NLUP implement mai tura beneficiary selection te, tin, a beneficiary ten mahni activity emaw trade emaw an han thlan sap sap kha hetah a implement board in an han khai khawm ta a. Amaherawhchu, kan mithiam leh kan hotuten an han en chiang a, "E, in kaihhruai kan ngai khawp mai, tuna kan tih dan ang hi chuan a hma ang lek kha kan nileh dawn a nih hi. Chuvang chuan i ennawn tha leh teh ang u", an ti a. Chumi enawn hna chu nichinah pawh khan ka sawilang tawh a, kalpui mek a ni a, chutiang avang chuan crore 100 kan dah kha kan hmang zo dawn ta lova. Chuvangin pawisa hi A.C bill a lo draw a, khawiah emaw lo dah mai kha tha in kan hre lova, sum hi tangkai a hman kan hotuten tha zawkin an hria a, chuvang chuan kumin financial year in a cover chhunga kan hman zawh tur han ngaituah teh u an ti a, kan Board lam hian Rs. 448 lakh vel hi kan mamawh mai awm mang e an ti a, marawhchu an han in en chiang zela helai pawh hian a tla hniam zela, chuvangin kan supplementary Budget-a dah tak Rs. 448 lakh kha NLUP lo kalpui meka hmalakna atan: entirnan Management atan te, in luahna atan te, tin, training capacity building hi a pawimawh viau va, chung atan te, tin, potential area connectivity atan te chuan lo hman turin an han duanga, engzat chiah nge kan hman theih dawn ala fiahzui anga, tichuan 9500 lakh.

**Pu B. LALTHLENGLIANA** : Pu Speaker, khawngaihin kan Minister zahawm tak khan min lo hrethiam sela. A beneficiaries thlan kha in problem ber ni a alan avangin kum kalta a cheng vaibelchhe za pawh hmang zo thei lovin R.E-ah 48 kha alo lang a. Chu pawh chu hman zawh theih loh anih zel si chuan beneficiary thlan chungchang ah hian harsatna a awm chho zel lovang tih a sawi theih bawk silova, churang chuan NLUP 1989-a hman anih a Block-wise a phase-manner a hma an lak ang khan lak leh nisela pawisa hman loh a kal ral mai ang kha a awm lo, he policy hi chak zawkin a kalpui theih anga, a tha zawk dawn lawm ni? tih leh beneficiaries thlan a buai ta a, a buai chungchang ah bialtu te pawh in awm a tih lai kha thlan chungchangah bialtu te pakhatmah kan in hnamhnawih lova, min rawn bawk lova, a buai tawh hnua, bialtute nena chin fel leh tum kha chu Congress unit hruaitu tena an thlan an rawn thehluh tawh te kha chu Luka zia k tlukin in lo ngai tawh mai si a, khami chin fel hna kha chu a tha lovin ka ring a, a thlan chung changah hian eng emaw tel ve theihna te chu min neih tir ve ula chuan tun ai chuan a fel deuh chuan ka ring a, chu chu a theih em? tih kha kan zawt duh a.

**S P E A K E R** : I zawhna kha chu chhan a ni lovin, zawhna hun kan khar tawh a, tuna a rawn zawhbelhna kha chhan a ngai lovang. Sawi kha a rawn dil ve miau a, a sawi a ni mai.

**Pu B. LALTHLENGLIANA** : Pu Speaker, hei hi chu member te privilege ani ve a, zawhna vawihnih ringawt hi phalsak chu a dikin ka ring lo.

**S P E A K E R** : House kan rawn a, House duh angin kan ti. Zawhna hmasa lam zawk a kha I chhang duh anih chuan, tuna a rawn zawh leh kha chu a ngai lo.

**Pu H. LIANSILOVA** : Ka sawi hmasak a mi khan ka'n classify ang a. Tunah khan rawn hriatsual palh awm in ka hria a. A bialtu ka tih khan, department-line department tin ami hian bial an in sem vek a, chu chu a bialtu ka tih chu an ni e. (Speaker- ngawilawk rawh, chair-ah ban in rawn phar tur a ni a, in ding ngal a, in sawi zawm ringawt mai a, kha kha chu a dik lo, le! sawi zawm rawh le).

Tichuan, Pu C. Ramhluna'n nuai sangkua zanga sawmhnih kha engtia hman nge? tih kha Planning Department-in tun kan development works a pawimawh atan an hmanga an sem a ni, chu chu an semna chu keini purview anih loh avangin nakinah a Demand sawi hunah te pawh la in hriattir thei turah la in beisei ila a tha ang e.

**S P E A K E R** : Tunah starred question No. 45-na zawt turin Pu Lalthansanga Pu Lalduhawma aiah ka ko ang.

**Pu LALTHANSANGA** : Pu Speaker, ka lawm e. Trade & Commerce Minister zahawm tak chhan atan starred question No. 45-na Pu Lalduhawma zawhna-

- (a) Sorkar hriatpuia sapthei ching hi chhungkaw engzatnge awm? A chinna ram zau zawng leh a hmun nen.
- (b) 2009-2010 chhungin MIFCO-in sapthei engzatnge a lei sak, a rate nen.
- (c) Sapthei leina sum hi khawi atanga pek nge anih thin? Mizoram budget-ah a leina tur sum dah ani em?
- (d) Sapthei man ba a awm em? A awm chuan engzatnge? tih hi ka zawt e.

**S P E A K E R** : A chhang turin Pu Lalrinliana Sailo, Trade & Commerce Minister ilo sawm ang.

**Pu LALRINLIANA SAILO, MINISTER** : Pu Speaker, Member zahawm tak Pu Lalduhawma zawhna chhanna chu hetiang hi a ni-

- (a) Sorkar hriatpuia sapthei ching chhungkua-4099 a ni, sapthei hi District tinah chin a ni.
- (b) Kum 2009-2010 chhungin MIFCO-in sapthei quintal 3869.61 a lei sak a, a rate chu Rs. 11.40 paisa a ni e.

Hetiingin sapthei (passion fruit) hi Rs. 8, price support Rs. 2, transportation cost-ah chawhrualin Rs. 1.40. A vaiin Rs. 11.40 angin chhut a ni.

- (c) Sapthei leina sum hi kum 2007-2008 ah chuan Market Intervention Scheme, Government of India, Ministry of Agriculture and Corporation atanga pek a ni a. Kum 2009-2010 ah chuan Mizoram Budget (revised estimate) ah leina sum dah a ni.
- (d) Awm lo tih a ni e.

**Pu K. LIANTLINGA** : Pu Speaker, ka lawm e. Finance Minister zahawm tak chhan atan starred question No. 46-na ka zawhna chu-

- (a) 6<sup>th</sup> pay hman anih hian tuna Sorkar hlawh senso bak hi engzatnge sen belh ngai ang?
- (b) 6<sup>th</sup> pay avanga sen belh ngai tur hi khawi atanga hmuh tur nge? tih a ni e.

**S P E A K E R** : Finance changtu hi a zin a, a aiawhtu Pu R. Lalzirliana, Home Minister a rawn ruat a. Tunah Pu Lalzirliana'n lo chhang sela.

**Pu R. LALZIRLIANA, MINISTER** : Pu Speaker, member zahawm tak, Pu K. Liantlinga zawhna chhanna-

- (a) Pay structure hman dan tur tak leh hman tan hun tur a la hriat rih lo. Sem belh ngai tur zat chhut fel a la harsa rih a ni.

- (b) Non-plan hnuaiia awm te chu Non-plan atangin pek an ni ang a. Plan hnuaiia awm chu plan-ah pek an ni ang a. Tin, Centrally Sponsored Scheme te chu chutiang ang funding source atanga pek zel tur chu an ni ang.

**S P E A K E R** : Zawhbelhna, Pu K. Liantlinga.

**Pu K. LIANTLINGA** : Pu Speaker, ka lawm e. Hei kan lo hriat dan chuan cheng vaibelchhe 339.24 tih a ni a. Kha kha tu question ah nge ka hre lova. Hei hi chhut fel ala awm lo i ti si a, engnge a awmzia? tih ka zawt duh a. Tin, a pakhat leh ah chuan tuna kan sum indaih lohna cheng vaibelchhe 642 anih lai si hian khawi a plan sumin nge? khawia Non-plan sumin nge tih lai kha ka'n zawhbelh a ni e.

**S P E A K E R** : A chhang turin Pu R. Lalzirliana

**Pu K. LIANTLINGA** : Pu Speaker, ka lawm e. Hei kan lo hriat dan chuan ziaka ka hmuh ah chuan cheng vaibelchhe 339.24 tih a ni a. Kha kha tu question ah nge ka hre lova. Hei hi chhut fel la awm lo I ti si a, eng nge a awm zia? Tih ka zawt duh a. Tin, a pakhat leh ah chuan tuna kan sum indaihlohna cheng vaibelchhe 642 anih lai si hian khawia plan sum nge? khawi a Non-plan sum nge tih lai kha ka'n zawh belh a ni e.

**S P E A K E R** : A chhang turin Pu R. Lalzirliana

**Pu LALZIRLIANA, MINISTER** : Pu Speaker, Mizoram Sorkar hnuaiia hnathawk hrang hrangte hi an post hrang hrangah khan 6<sup>th</sup> pay revision-ah khan eng dinhmunah nge an awm dawn tih kha ala hriat loh avangin khami a structure kha a la tihfel theih loh hrim hrim a. Eng ang sum nge ni kan hman ral dawn tih kha a la hriat loh a ni. Tin, chutiang ah chuan rawtna chi hnih a awm a. Fitment Committee kha sorkar hmasa khan an lo din a, chumi recommendation chu a awm a. Tin, chu lo chu Federation of Government Employees & Workers te ngenna angin kan Minister zahawm tak Pu Liansailova hovin Committee din a ni bawk a, chu committee te chuan concrete decision engmah, a khawi zawk hi nge tih tur tih kha sorkarin ala ngaihtuah lova. Chuvangin pawisa senbelh tur hi hriat chian ala ni lova.

Tin, sum hi chuti taka harsatna kan tawhloh kan beisei bawk a. A chhan chu dearness allowance hi ni 1.7.2009 thleng khan pek vek tawh a ni a. An sum/ arrear lak tur zawng zawng kha tam tak a sutkian tawh avangin thil harsa lutuk lo turah kan ngai a.

Tin, sum senbelh ngai tur 2009-2010 Budget-ah khan dah a ni tawh a. Chu chu kan la hman hman loh avangin 2010-2011 ah hian a bak chu 10% dah belh leh a ni a. Chuvangin Pay Revision avanga senso tur hi budget hian la ken tel zel a ngai a ni.

Chutiang anih chuan 13<sup>th</sup> Finance Commission in min ruahman sak hi 12th Finance Commission ruahmanna aiin 88.92% zet in a sang zawk lehngal a, sum hi harsa lutuk lo tura beisei a ni.

**S P E A K E R** : Tuna kha kan zawhnawna a ni tawh a. Pu Liantlinga kha I supplementary kha chhan tawh ni in ka hria a. Awle, han zawhbelh mai rawh.

**Pu K. LIANTLINGA** : Pu Speaker, ka lawm e. Fitment Committee Chairman in chanchinbu mite hnena a hrilh he pay atana sum senbelh ngai hi Central Sorkarin min pe thei dawn lo a ti kha a dik em?

**Pu R. LALZIRLIANA, MINISTER** : Pu Speaker, a hrang chuan he pay atan hian min pe theilo va, mahse, kan sorkar hnathawkte hlawh hi chu Central-in min pek loh pawhin keimahni in kan pe dawn a ni.

**S P E A K E R** : Special-in Pu Sela a phar zing lulai em a, ka'n ko ang e. zawhna zawh tur pawimawh a nei a ni ang.

**Pu R. SELTHUAMA** : Pu Speaker, ka lawm e. A zawttu bakah khan midang pakhat khan zawhbelh theih kha niin ka hria a.

**S P E A K E R** : Mahse, a zawt nawn tlat tawh si a, ka pawm tawh si a. Chuvangin ka special reng che a ni.

**Pu R. SELTHUAMA** : Engpawh nisela, ka lawm e. Hei, sorkar hnathawktu ten Central Sorkarah phei chuan hun rei tak an la tawh a, Mizoram sorkarah pawh an beisei ve a. Sorkar hnathawkten, thil man te a lo to chho hle tawha. Chuvangin tuna Pay Revision thar han hman ve mai hi an chak nasa tawh si a. Chuvang chuan kan sorkar hotute pawh hian a tihfel theih dan kawngte hi an ngaihtuah thei em?

Tin, kan Minister zahawm tak Pu Liansailova ho a committee an neih te pawh khan a rang lam deuh hian kan sorkar hnathawkte hlawh hi an tihfel sak thei em? Tunah hi chuan vawkreka fate tih ang mai, a thenin hlawh tam tak tak an lak laiin a thenin

hlawh tlem te te kan la bawk si a. Chuvang chuan a sorkar hnuai hnathawkte an nihna tur ang, an hlawh tur ang pawh hmu zo loa hetiang an awm hi a paw em em mai a. Chuvangin kan hotute hian a rang lamin in tihfel sak thei em? tih kha ka zawt e.

**S P E A K E R** : Chhang turin Pu R. Lalzirliana

**Pu R. LALZIRLIANA, MINISTER** : Pu Speaker, vawkreka fate ang hian kumkhuain awm tur chu niawm tak a ni a. Kan hlawh hi a inang vek dawn lo reng reng a. Kan post pawh a inang bawk si lova. Chuvangin rual put chuan a awm theih loh ang a. Amaherawhchu, tihfel ran hi sorkarin a duh dan ber a ni, theihtawp a chhuah a ni tih te kha ka chhanna ni sela.

**S P E A K E R** : Tunah starred question no. 47-na zawt turin Pu C. Ramhluna ilo sawm ang.

**Pu C. RAMHLUNA** : Pu Speaker, Agriculture Department Minister zahawm tak chhan atan starred question no.47-na

- (a) Kum kalta 2009 chhungah Mizoram kuthnathawktute hian tlang ram lo neih leh leilet atangin buh, buhfai ti ila a tha awm e. Engzatnge an thar chhuah, a hun pawhin min chhan theih chuan a paw chuang love.
- (b) Kum 2008 aia a tlemna emaw a tamna emaw engzatnge?
- (c) Mizoram mipui in kan buhfai mamawh kum 2009 chhunga mi hi engzatin nge an thar chhuah hian min chhawk theih tih kha kan hre chak deuh a, kan zawt a ni e.

**S P E A K E R** : A chhang turin Pu H. Liansailova Agriculture Minister ilo sawm ang.

**Pu H. LIANSILOVA, MINISTER** : Pu Speaker, kan member zahawm tak Pu C. Ramhluna zawhna chhanna chu hetiang hi a ni e-

(a) Nikum 2008-2009 chhung khan Mizoram kan buh thar zat chu hetiang hi a ni. Leilet atangin metric ton singhnih sangli zali sawmhnih pariat, thingtlang lo atangin metric ton singli zali sawmriat pakua, a vaiin metric ton singruk sangriat zakua sawmpasarih a ni a, Hei hi a hum a chhut a ni awm a. Tin, kum 2008 aiin a tlemna emaw a tamna emaw kha chu, 2007-2008 ah chuan an buh thar zat kha metric ton singkhat sangnga zaruk sawmriat pariat a ni a, kum 2008 aia kum 2009-a a tamna chu metric ton singnga sangthum zahnih sawmhnih pakua a ni.

Tin, Mizoram mipuiin kan buhfai mamawh zat kum 2009 a kan buh thar metric ton 68917 hi a faiin metric ton 48045.90 a ni a. Hei hian kum 2009-a kan mamawh zat atangin metric ton 4845.90-in min chhawk thei a. Chu chu 25% ang vek a ni e.



**S P E A K E R** : Kan hun a tawp tlat mai. Zawhbelhna pawh a awm hleithei lo a ni.

Vawiinah hian kan member te Pu Lal Thanhawla hi Delhi lamah zinin a la thang a. Tin, Pu Lalduhawma hi mitthi vuina lamah a kal ngei ngai a ni a, a lo kal thei lova. Hei, Pu Ramsanga a hmel kan hmu leh thei tawh a, a lawmawm e. Anni Pu Lal Thanhawla leh Pu Lalduhawma te hi an rawn lang thei lo a ni.

Tunah chuan business dangah kan kal chho ang a. Laying of papers Pu R. Lalzirliana, Home Minister zahawm takin ‘ Delimitation of Parliamentary and Assembly Constituencies in the State of Mizoram Publication of Commissions Notification making corrections in Delimitation Commission’s notification dated 27.5.2005’ House dawhkanah rawn lay se la.

**Pu R. LALZIRLIANA, MINISTER** : Mr. Speaker Sir, I lay on the table of the House a copy of Delimitation of Parliamentary and Assembly Constituencies in the State of Mizoram Publication of Commission’s Notification making corrections in Delimitation Commission’s notification dated 27.7.2005. Thank you.

**S P E A K E R** : A copy kha han sem ula. (Pu Ramhluna-----Pu Speaker, sawi lawk duh ka nei a) tuna an copy rawn sem chungchangah maw? (Pu Ramhluna: aw ni tho e) hemi chungchang pawh kha niminah pawh khan gazette-a chhuah ani lawm ni nge chhut hmah te a awm leh thin, ‘member zahawm tak te sem tur kha lo thlifim sa rawh u’ kha ka ti a, khatiang lam hawi anih chuan han sawi zawk la.

**Pu C. RAMHLUNA** : Pu Speaker, thil pakhat han sawi lawk ka va duh e, a rei lovang. (Speaker: Kan business concern a ni em?) Pu Speaker, ka lawm e. Mizoram gazette hi a phek te te hian a rawn chhuak a rawn chhuak ta a, nikum atang khan a bu a complete-a hmuh hi kan nei ta lo reng reng hi engnge a chhan tih ka han hre duh a ni. Kan hmuh loh chin hi a rei fu tawh a ni, kumkhat anih loh pawhin thla 8/9 anih tawh ka ring Mizoram gazette hi, a phek te te in a chhuak a, a bu a tih chhuah kha ani ta lo em ni tih kha kan zawt a ni.

**S P E A K E R** : Chu chu kan Minister, Printing & Stationery Minister khan lo hriat tum mai se, House in kan chah a nih chu. Demand a sawi theih pawh a ni tho a. Hei kan beisei loh boruak tha lo ten min rawn nang thut thin a, min barakhaih thin hle a. Amaherawhchu, heng ang zawng zawng te hi sawi vek sen pawh ani chuang lova, amaherawhchu, heti lai thilah hian eng emaw House kan thut khawm lai te a lo nih chuan, House a rorelna sang bera kan tih rik kha a tul thin a. Kan dan 60-na angin statement pek tur thu kan dawng a, kan admit a. Tunah Pu R. Lalzirliana, Minister zahawm takin statement pek tur a nei a, lo sawm ang. Tin, heng statement hi sawiho tur a ni lova. Chutiang chu member ten hre sa ila. I lo sawm ang kan Minister zahawm tak.

**Pu R. LALZIRLIANA, MINISTER** : Pu Speaker, tuna sawi ang khan Mizoram pawnah mizo thihna dang dai deuhhleka an thih avangin helaiah hian a detail-in hrethei lo mah ila House information atan statement tawite han pek kan duh a ni.

Saidingliana Sailo, kum 18 a pa Vanlalhruaia Sailo (L), N. Vanlaiphai. Ani hi a pa a thih tawh avangin a chhuangte hi Aizawla awm thin anni a. Driver niin Joshua Sumo Travels motor khalh thin niin a hriat a ni a. Tin, H. Lalhmingmawia, apa H. Siamliana, New Coloney, Saiha. Ani hi chu chhungkua a Guwahati a khawsa anni a. A remchang ang angin hna remchang thawk thin, motor hlui te pawh Aizawl lama phur chho thin, rawn zuar chho thin ni a hriat a ni.

Hemi te pahnih hi Lalhmingmawia'n motor lak tur nei anga a in sawi avangin, an pahnih hian nimin chhun dar 10:00 AM, nimin tukah khan nimin piah a pek tawh chu dar 11:00 leh dar 12:00 inkar vel khan an chhuak dun a. In lamah an let leh ta lova. Chutih lain mizo awm ten chanchin an hriat leh hmasak ber chu Police ten mizo pakhat ruang ni ngeia rin an hmuh thu a ri ta mai a. L.O in Adl. S.P. Guwahati a va bia a, ani lo chhanna ah chuan Panikhati bawr Guwahati daifemah thi in an chhar a ni tih a lo hrilh a. An ruang hi post mortem tura an lakna ah Lalhmingmawia in luahtu B.M.a va kal ve in an pahnih a ruang ngei a ni tiin a va finfiah ve ta a. Police te sawi zel dan chuan nimin 22.3.2010 zing dar 3:00 vela kahhlum an nih hmel, an ruang awmna atang hian 9mm leh pistol muruak te Police te hian an chhar niin hriat a ni a. An thihna hmun atang vek hian motor hi registration card no. AS-16/A-4093 chhar a ni bawk a, chhui chian anih hnu in Registration lem tih hriat a ni. An ruang an chharna hmun Km khat vela hla ah motor pakhat Scorpio hmuh a ni a, registration leh insurance ah chuan Bongalgaun registration ani a, mahse an han chhui chian deuh in Sumo No. GJ-16/A9765 hi, registration lem ani tih leh Scorpio number chu Bike number a ni tih an hmu chhuak a, he Scorpio hi Kiran Basu Depp Patil ta niin an hria a, a neitu pa hian a motor hi a bo tih police te hnenah a rawn hrilh niin hriat a ni bawk.

Tunah hian investigation tih mek a ni a, engvanga kahhlum nge tih pawh thu Chiang an la sawi theilo a ni, heng mizo pahnih leh hnamdang thih chhan hi Guwahati Police ten ngawrh takin an chhui mek a, a chian thuai theih beisei a ni, an ruang hi Post Mortem zawh a ni a, Mizoram House-ah an la phei a, tichuan Lalhmingmawia hi Lamchhip pan puiin nizandar 9:00 khan an rawn chhuak a. Saidingliana Sailo hi N. Vanlaiphai panpuiin nizan dar 9:15 vel khan Guwahati atangin an lo chhuak a ni. Hetihlai hian he thih dan hrefiah turin Mizoram Police Officer te a hmunah tirh mek anni. Tunah hian an kal mek a ni. Ka lawm e.

**S P E A K E R** : Business dangah kan kal leh ang a. Legislative Business a ni a. Pu Lalsawta, Minister zahawm takin The Mizoram Salaries, Allowances and Pension of member of the Legislative Assembly ( Fourth Amendment) Bill, 2010 House-ah introduce rawn dil sela.

**Pu LALSAWTA, MINISTER** : Pu Speaker, ka lawm e. He House zahawm taka hian The Mizoram Salaries, Allowances and Pension of member of the Legislative Assembly ( Fourth Amendment) Bill, 2010 hi ngaihtuah tura rawn chhawp chhuah ka dil e.

**S P E A K E R** : Kan phal sak em House-in? Chutichuan a copy la sem rih lovin Minister zahawm tak bawk khan “The Mizoram Salaries, Allowances of Minister ( Fourth Amendment) Bill, 2010” House-ah introduce rawn dil leh sela.

**Pu LALSAWTA, MINISTER** : Pu Speaker, ka lawm e. He House zahawm takah hian “The Mizoram Salaries, Allowances of Minister ( Fourth Amendment) Bill, 2010” hi ngaihtuah turin rawn chhawp chhuah ka dil e.

**S P E A K E R** : Kan phal sak em? Phal sak maw. Tichuan Minister, Pu Lalsawta bawk in “The Mizoram Salaries, Allowances of the Speaker and the Deputy Speaker ( Fourth Amendment) Bill, 2010” House-ah introduce rawn dil leh sela.

**Pu LALSAWTA, MINISTER** : Pu Speaker, “The Mizoram Salaries, Allowances of the Speaker and the Deputy Speaker ( Fourth Amendment) Bill, 2010” hi he House zahawm tak hian a ngaihtuah turin rawn chhawp chhuah ka dil e.

**S P E A K E R** : Kan remti em? Rem ti maw? Aw le, khang Bill pathum te kha Minister zahawm takin introduce a rawn dil a, kan phaksak tawh a, a copy kha a rualin han sem rawh u le.

Tunah Pu Lalrinliana Sailo, Minister zahawm takin “The Mizoram State Agricultural Produce Marketing (Development and Regulation) (Amendment) Bill, 2010” House-ah introduce rawn dil sela.

**Pu LALRINLIANA SAILO, MINISTER** : Pu Speaker, ka lawm e. He House zahawm takah hian “The Mizoram State Agricultural Produce Marketing (Development and Regulation) (Amendment) Bill, 2010” hi ngaihtuah tura chhawp chhuah ka rawn dil e.

**S P E A K E R** : Kan phal em? Rawn introduce sela.

**Pu LALRINLIANA SAILO, MINISTER** : Pu Speaker, ka lawm e. He House zahawm takah hian, “The Mizoram State Agricultural Produce Marketing (Development and Regulation) (Amendment) Bill, 2010” hi ka rawn Introduce e.

**S P E A K E R** : A dang tih leh tur a neih avangin copy dang chu a rualin kan sem mai ang a. Tunah Pu Lalrinliana Sailo, Minister zahawm takin, “ The Mizoram Medical Council Bill,2010” hi House-ah introduce han dil sela.

**Pu LALRINLIANA SAILO, MINISTER** : Pu Speaker, ka lawm e. He House zahawm takah hian “The Mizoram Medical Council Bill,2010” hi introduce ka rawn dil e.

**S P E A K E R** : Tunah rawn introduce sela.

**Pu LALRINLIANA SAILO, MINISTER** : Pu Speaker, ka lawm e. He House zahawm takah hian “ The Mizoram Council Bill,2010” hi ngaihtuah ho atan ka rawn introduce e. Ka lawm e.

**S P E A K E R** : Aw le, Minister-in Bill pahnih introduce a rawn dil a, kan phalsak a, a rawn introduce ta a. A copy kha han sem rawh u le.

Awle, Minister te Bill rawn introduce tak Bill 5 te kha hun remchangah kan la sawi ho dawn nia.

Annual Budget 2010-2011 nimin lama General Discussion kan neih kha tunah chuan kan chhonzawm leh tawh ang a. Niminah khan member 12 ten in sawi tawh a. Tunge han sawi leh dawn le. Nimina kan sawi ang khan minute 10 hun kan han inpe a, minute 9 velah bell kan han ti ri kha a ni a. Ti khan member ten thuawih tak khan hun in hmang thiam khawp mai a. Tiang khan ti leh ang aw. Tunge han sawi leh dawn le? Ban phar in awm na nge Dr. R. Lalthangliana.

**Dr. R. LALTHANGLIANA** : Pu Speaker, ka lawm e. Hei vawiin a kan Budget pharh hi kawng leh lamah chuan a figure-ah nikum lampang rinchhana ti kan ni a. Hetiang hi thil danglam tak mai, Budget pharh danglam tak mai a ni a, sawithiam pawh a harsa hle in ka hria a. Tin, chutih lai chuan Pu Speaker, I hnenah hian lawmthu sawi tha in ka hria a. Tun hnaiah kan Performance Budget leh kan Work Programme te felfai tha angreng takin member te hmuhtheih in min rawn pe a, I chungah lawmthu kan sawi duh hrim hrim a, I hmalakna thui tak niin ka hria a. Kan Budget Session koh hma hian Pu Speaker, theih chu nise kumdangah chuan engemaw a tlangpui tal kan hriat theih tur ang chi hian ruahmanna hi siam lawk theih nise. Finance te pawh hi an inpeih chhuah hun tur hi hriat dan awm thei se chuan tun aia tlai hlek ang ah lo la thei ta te ni ula chuanin kan size dik tak nen kan hre thei turah ngai ila, vawiin khan chanchinbuah chuan kan hmu a, kan Plan Budget bik vaibelchhe 250 bawrah a pung tih te chu kan hre theuh a. Amaherawhchu, khami hriat ringawt ni lovin Department hrang hrang a kan sum semfel he House a kan han sawi theilo erawh hi chu a khangbai hle in ka hria a, sawi thiam pawh a harsa in ka hria a. Tun hnuah chuan awm tawh lo thei se chuan a duhawm hle a. India ram pumpui huap ang pawha harsatna an tawh mek chu a ni tho na

a, kan ram bikah hian helai hi kan sutkian a pawimawh in ka hria a, hei hi ka tarlang duh a. Hei hian in sawiho thiam pawh a ti harsa viau in ka hria a.

Tin, pahnihna ah chuan hei vawiinah kan House Leader Finance Minister a ni bawh a. Amah tel lova Budget-a pawimawh lai tak, kan in kohkhawm chhan tak mai kan han sawi thei lo hi engemaw zawng chuan a pawh ka ti a. Thil eng eng emaw amah ngeiin a beng hriata helaia han tarlan duh kan neih te tarlan a remchang thei dawn chiah lovin ka hria a.

Pu Speaker, kan sawi duh leh chu MLA fund hi General Purpose Committee pawh kan han sawiho khan a bikin keimahni ang State, North-East State thenkhat te neih dan phung kan han en khan a beitham deuh a ni, tih pun nise, tih kha kan han ti chho a. Kumin hi chu hei, Budget te pawh a pung chho ve zel a, nuai 25 chauh lo deuh hian a pung ve thei tur angah chuan kan han beisei a. Amaherawhchu, a bu kan han enin a ngaite bawh in kumin chu kan kal leh dawn in ka hria a. Hei hi a la exercise turah ngai ta ila, remchangah Pu Speaker, Hmanni pawh khan I hmalakna in General Purpose Committee te pawh C.M-ah khan I rawt niin ka hria a, a lawmawm a, khatiang kha ni leh sela a tha in ka hria. A chhan chu kan MLA fund hi Mizoram Sorkar sum kan hman tawhah chuan kan hmanna hi belhchian dawl deuh ber niin ka hria a. Hun kal tawh kan thlirin ka hria a.

Tin, Pu Speaker, helaiah tun term chhung atan member zahawm tak tak te mi 40 ram mipui te'n Constituency 40-ah thlanchhuah in kan awm a ni a. Kan thusawi leh House-a kan awmdanah hian mipuiin kan thusawi an awih tak tak em tih ngaihtuahna nen kan sawi te pawh a tha mang e aw, ka ti a. Niminah khan thil pakhat- kawng laih chungchang nge ni, black-top chungchangah khan kan duham deuh niin ka'n hre deuh a. Sorkar hmasa aia thawk tam lutuk em em kha chu a black-top chin te hi chu kawng dang a ni a, a formation, a tlangpui han rawt te, lung tohlawt han sut te chu kum engemaw zat chu a ngai hrim hrim tih kan hriat a thain ka hria a. Khatiang te te kha kan thusawi ah fimkhur deuh ila, mi awih tur chin deuh lai tur kan sawithiam a hi a tha awm mang e aw tih lai a hi ngaihtuahna kan nei a ni.

Pu Speaker, pahnihna a ka sawi duh chu keimahni chungchang – MLA te, Minister lo ni tawh te pawh huam vekin GAD hian May 19 khanin memorandum a ti chhuak a, chu chu precedence phei chu ani chuang lova. Amaherawhchu, helaia Mizoram House hmun hrang hrang kan neih ah te hei hian kawngro a sut avang hian vehicle allotment chungchang hi ennawn a tha awm mang e aw tihna kan neih mai mai chu ka'n chhiar mai ang a I phalna in. Ni 19 May khan a chhuak a, a vai phei chuan a sei a. Tah hian motor hman theih dan chungchangah Speaker of Mizoram Assembly tih te, Hon'ble Chief Minister tih te, Minister, Deputy Speaker, M.O.S Government of Mizoram tih te, Principal Secretary leh Secretary tih te, any other person permitted to use the vehicle under the written from GAD tih hnuaiah hianin ho ang reng deuh thil awm ve hi ka ngaimawh deuh hlek a, No.5-ah hianin subject to availability Government vehicle may be used by sitting M.P a ti ta a. M.P pahnih chauh kan nei a ni, chuan sitting MLA of Mizoram ati ta a.

Tah hian entirnan kan Ex-Minister zahawm tak tak te- keinipawh kan la ni vek ang, hei hi kan hun tawng zel tur ala ni. Kan former Deputy Speaker tih te, kan former

Speaker tih te hi awm ve sela a tha vek in ka hria a. Tlem in a huam zau lo deuhin ka hria a. Tin, helai an han dah danah hian tlem hian ennawn hi a tha ang em? Elected te dinhmun hi tlem in Sorkar hian uluk deuh in, hun hmasa lamah kan ti Chiang thiam lo a nih pawhin, tunah hian ngaihtuahna thar nen kan ngaihtuah a hun tawh in ka hria a. Chief Minister pawh awm ngei se ka duh a, ka tarlang zawk duh ani. Harsatna kan taw hem em phe chu ka hre lo. Tha taka khulama kan L.O te leh midang te'n ro an rel thiam theihna tur atan hian Chiang deuh leh detail deuh a ennawn tha in ka hria a, ka'n tarlang duh a ni.

Pu Speaker, thil mak deuh mai sawi loh theih loh a awm a, keipawh min thawng viau mai a. Chu chu kan PMGSY pawisa contractor te hnenah cheque tam fe mai kumin kum tirah te pawh an issue a. PMGSY hi kan hriat dan chuan Rural Minister atanga tangka lokal, Mizoramah chuan PWD ten he sum hi an chalai a. Tah chuan kum 2000-2001 vel lai, a tan tirh vel lai kha chuan India ramah hian a siam chhuak hmasa, a project zuk theh lut hmasa te pawh kha kan PWD te kha an ni ve a, an chhuang ve em em a Central lama kan hotute pawhin. State dang te pawhin entawn laih laih tham anih hi min ti ve kha a ni a. Chumi avang chuan ti hian kan kal chho ta zel a, kum 10 dawn a lo ni a, harsatna tunhmaa kan tawn ngai loh, tun tuma kan tawn taka chu, contractor te hnenah hian sum hi/cheque hi engemaw zat issue a ni tunah hian vaibelchhe tam tak tel hi. Tin, he pawisa hian Minister of Rural Development atangin Mizoram Rural Development Agency (MIRDA) kan din a. Kan Chief Executive Officer hi kan PWD-a Engineer-in-Chief hi a ni a, account hi State Bank of India-ah hawn a ni a. Tah chuan Pu Speaker, Treasury leh Mizoram Finance kaltlang a nih loh avangin electronic kaltlang in pawisa an rawn dah mai thin kha a ni a, kum tam tak. Harsatna kan taw ngai lovin ka hria a. Tah chuan thil mak deuh mai chu Pu Speaker, chu pawisa chu, cheque pawh hi hei, Xerox in min rawn pe a. Entirnan Serchhip E.E. PWD Division atanga cheque an rawn issue ni 3/3 tih te 2/3 tih te a 7532000/- tih te 469432/- tih te, hei hi min rawn pek phe ani mai a, hei lo pawh hi cheque tam tak issue a awm a, thla 2/3 te a then chu a ni tawh ani. He cheque hi State Bank-ah he cheque pual hian pawisa an va draw dawn a Pu Speaker, pawisa alo awm miah lo mai. Hei hi thil serious tak niin ka hria a. Bank atanga la tur siin bounced cheque an issue hi chhui a ngai a ni, a fel lo khawp mai. Kan PWD Engineer te hian strict takin an hnathawh dan en in pek tlak an ni tiin uluk takin cheque hi an issue a, an pe a; mahse, engatinge Bank-ah a awm tlat loh tih hi thil fel lo a ni. Chuvang chuan, hei hi kan hre vek a, Ministry lam chuan heng PMGSY Project te hi uluk takin nitin monitoring a rawn ti thin, hetiang pawisa awm si lo cheque vaibelchhe tel tamtak lo awm ta hi Pu Speaker, engnge a chhan tih hi ngaihtuah a ngai a. Rin dan ka neia, ka rin dan pawh hi a dik ka ring a. Financial year tawp dawnah kan Treasury-ah /kan pawisa bawmah a awm lo ta nge ni a, he pawisa hi kan sorkar hnathawh te tan kan lo pe tih hi ka question a ni. Hei hi Pu Speaker, thil serious tak ani a, he kan senior neih lai mek hian a chhanna min pe thei se ka duh khawp. He thil hi kan tih soal chuan thil pawh tak thleng thei a ni tih hi ka sawi duh khawp mai. Hei hi State Sorkar Department Finance leh Treasury te kaltlang si lo engatinge hetia a awm loh theih tlat tih hi en a ngai ani tih hi kan tarlang duh a ni. Bounced cheque issue tak mai mai hi thil pawh tak niin ka hria.

A dang lehah chuan Pu Speaker, kan sawi leh duh chu, Zoram Plan, Finance Minister-in Plan Fund a rawn pharh hi kan en thuk thuk a, Pu Speaker, demand programme kan en a, department 20 dawn lai allocation hi kum kalta ai khan a hniam

rawk mai a. A hniam na neuh neuh chu ka sawi lovang a.Land Revenue, GAD, Higher & Technical, Sports & Youths, Health Services, Water Supply, Irrigation, District Council, Agriculture, Forest, Powers, P.W.D te leh a dang a awm a ni. Hei hi nasa fe in a tlahniam a ni. Hei hi kan budget size thar kan hriat hunah hian ngaihtuahna kan hmang thei dawn em tih erawh chu kawng dang ni sela.

Tukin khan NLUP chungchangah khan zawhna a awm nual a, kan Agriculture Minister khan min chhang a, hemi chungchangah hian sawi tur tam ka nei lova.

Inthlan dawn a ruling manifesto nisi laiah sawi loh theih loh a nihna ah kan sawi a ni a. Helai hi kan Minister-in min hrilh Chiang Sela ka duh hle mai. Kan Finance Minister in-Demand No.31-na kan la keu kan la keu tho dawn a. He thilah hian sawi tur awm chu –nuai singkhat kha kum kal ral mai turah dah a ni a. Tah chuan nuai sangkua leh zanga leh sawmnga leh pahnih hmanral anih tawp dana hi a mipui mimir thleng miah si lova, kan hmanna laia hi chu he House-ah hian kan hriat chu a ngai a ni Pu Speaker, Revised-ah 448 an dah leh ringawt a. Tiang anga Flagship programme kan ching lutuk dawn anih chuan a fel lovang, hei hi min hrilhfiah he lampang chuan kan phut bawk a ni.

Tin, Party consolidation la lova ( Speaker:- Tunlai bu kawl tharah phei chuan a awm tawh lo mai thei, thil sawi ngai chu an la sawi ang ). A dang a dangte pawh chu ani mahna, helai hi kan sawi duh a, Planning Department in an tih dan kalhmang kan Agriculture Minister zahawm tak in “ka hriatpui thei si lova”, a tih kha a ni a. Tin, kan sorkar hnathawk te 6<sup>th</sup> Pay chungchang a pawh hi kan budget-ah hi chuan a reflect lo ang reng khawp mai a, engpawhnise, inthlan dawn hnaihah kan commitment ang hi chuan thil hi kal tir hram hram hi kan tih tur ani dawn lawm ni, tih ka sawi duh a.

Tin, Pu Speaker, 13<sup>th</sup> Finance Commission chungchangah hian tawi te kan sawi duh a chu kan ropui lutuk lo. Amaherawhchu, chumi avanga zuk sawi phei chu ka nilova. Comparision of award an ti a, State hrang hrangin lawmman kan dawnna ah hian intlansiak ah pawh pakhatna, pahnihna leh pathumna hi chu a tha deuh a, kan lawmman dawnah hian India ram State-ah hian lawmman 17<sup>th</sup> –na kan dawng a, kan hnung viau a ni, a lawmawm tho e. Chuvang chuan chhuan tur lian lutuk a awm hranpa lova, kan increase-na per cent chhut a an rawn tehfung a ni a, hei hi a figure a ni. Engpawhnise la, kan chan tawkah hian lungawi ching ila, ka vupui tawh miah lo che u, vupui kha in duh lo deuh a, kha lampang zawngin ka sawi lova. Amaherawhchu, kan inthlan a kan tih that teh reng nen, kha lampang kha hetia kan reh tak viau le, tih kha kan tarlang duh mai a nia.

Tin, Pu Speaker, hei kan Chief Minister zahawm tak bialah hian thil pakhat felhlel deuh hlek a awm a, chu chu NREGS chungchang a ni a, a pawh khawp mai a. Vawiih hian amah chu awm se ka duh ang reng khawp mai a, Pu Speaker, khimi Serchhip a Leimin chhantu pawl te hmang khian NREGS sum hi an thawk a, tah chuan pawisa an han pe a, an pek zawng zawng hi 4,60,520/- a ni a. Chuta an sanction hi 22,49,700/- a ni a, helaiah hian Mizoram Rural Bank atanga cheque an issue-na pawh hi a awm a. Lehkha pawimawh, District programme co-ordinator NREGS te signature pawh a awm vek a. Helaia kan thu dawn hi belhchian a dawl ngai anih chuan nuai sawmpasarih leh singriat leh sangkua leh za sawmriat hi a kim lo tlat mai a ni. Hei hi

enchian a tha in ka hria a. A paw ka ti khawp mai. Kan sorkar hian ngaih pawimawh a, enfel ran ka duh a ni.

Food & Civil Supplies chungchangah hian motor pali lai mai hian F & CS bial lampang ani lehngal a, ka hmuhna hi a dik anih chuan. Ngopa lam atang hian MZ-01 B 2285, 207 Motor te hian Kerosine oil hi tun thla khan Manipur lamah F & CS Department ta ni si kha a phur chhuak ni a sawi a ni a. Chu lo chu MZ-01 B 5028 tih hian buhfai leh K. oil Manipur lamah, MZ-01 B 0173, 709 motor hian buhfai, MZ-01 B 5028, 207 ah . A phurhchhuah hrim hrim kha a paw viau em tih chu ka hre lova; mahse, buhfai harsatna lian tak kan tawh chhoh mek lai a State dangah hian kan hotuten phurh chhuah ani ta hi an ngaimawh deuh niin ka hria a. NLUP te pawh hi sem mah ila buhfai eitur kan neih loh chuan hna a thawh theih loh ani. Chuvang chuan, buhfai leina tur hi pawisa kan nei tha thum lo tih te sawi a lo awm nen hian kan tarlang lawk duh a .

Tin, Law & Order chungchangah nimin chanchinbu a chhuak, Mamit kawng laitu contractor te suam an nih chungchang pawh kha enge, ka hre lo. Law & Order lutuk phei chu a ni lo ang a. Mizo Guwahati a mi kan Minister in statement a rawn siam bakah khan kan sawi duh chu kan Tut lui (nizanah TV kan en in ka ring a). Kan Lui tha tak mai khulai a kan sangha an YMA, V/C te leh khawtlangin an humhalh hrai an ni te kha a rapthlak hle in ka hria a, Kristian rama thil thlengah chuan a duhawm loh hle in ka hria a, Pu Speaker, paw ka ti khawp mai. Hei hi kan ngaih pawimawh tur chi a ni. Ram a kang nasa si a, kumin hian 8 nge ni an thi tawh a, a paw khawp mai a. IPCC te phei chuan an ngai pawimawh khawp mai a.

Pu Speaker, Minute 2 lek, Global warming / climate change, carbon emission tih te avanga khawvel in a tawrhna rapthlak lutuk avang hian ram 100 chuang khan meeting pawimawh tak mai nikumah te an neih kha, kan ram hi kan ti kang nasa lutuk deuh a ni. Chuvang chuan engnge ni a chhan aw ka ti a, nikum kha hun kal tawh te thlirin ram kan nasat ber kum a ni awm e tih te kha a awm a. Kumin pawh hi chutiang deuh chu a ni mai awm mang e, Pu Speaker, a paw khawp mai a, hei hi vawiin niah hian hna an thawh theihna tur atan a department bik te pawh hian an nei lo deuh nge maw ni a, awareness te pawh hi kan siam thiam taw lo deuh nge ni ka hre lova. Hei hi thil serious tak mai a ni. Kan ram hi kan tihchhiat vek chuan NLUP pawh ti hlawhtling dawnin bei mah ila kan ram kan tihchhiat chuan Pu Speaker, hei hian harsatna min siam dawn thoin ka hria a, paw ka ti khawp mai a, chu chu he hunah hian ka'n sawi duh a, sangha tura hrai ching taw te kan awm te, tin, ram la ti kang hum hum a, hei, Tawi, Saitual bula tunhnaia han kang te, Serchhip bula han kang te phei hi chu a uiawm tak tak a. Silai zawn ram niin ka hria a, hmanni a kang an sawi kha. Tin, Serchhip a kan YMA Sanctuary han kang te a paw ka ti hle mai. Heng hi sorkar ang pawhin kan enchian a pawimawh hle in ka hria. Kan MAP te pawh, kum 125, Ruling Party tlin lawm nana ruaitheh nana fatu a hmang mai lo hian, hetiang zawng te pawh hian a hman theih hial lawm ni? Ka ti hial a ni. Thahnem ngaih a na khawp mai. Pu Speaker, ka lawm e.

**S P E A K E R** : Tunah Pu R. Lalrinawma a dawtah Pu Lalrobiaka



**Pu R. LALRINAWMA** : Pu Speaker, ka lawm e. Hei, Budget chungchangah lawmthu tam tak kan ngaithla tawh a. Sawi tur tam tak a awm a. Amaherawhchu, Regular Budget pharh theiha a awm hi lawmawm ka ti a. Interim Budget a kan kal a, vote on Account ah khan ram development chungchang / hmasawna hnathawh ah hman tangkai hun a khawtlai thin a. Chuvang chuan Annual Plan 2010-2011, final la ni si lo, Financial Year tawp dawn si ah vote on Account a kal ngai lova hetiangah kan plan size hriat chian sa sawiho theih a kan Finance Minister Chief Minister ni bawkin rawn chhawpchuah nachang a hria hi a remhriat thlak ka ti a.

Thil tunhma a tih ngai loh a ni tih a sawisel chana chang ngawt lovin thil thar tha zawk, remhriat thlak zawk a lo chhuak ta a, 'change' a lo thleng ta a ni tih zawng hi kan ngaihtuah dan tur niin ka hria a, Pu Speaker.

Vote on Account pawhin lokal ta ila i veilam a mite hi chuan vote on Account in kan kal a tiin an sawisel tho in ka ring a. Vawiiinniah vote on Account a kal lova hriatchian sa, nakinah Plan Final huna Plan size hriatchian huna ruahmanna la siam leh mai tur angah hetiangah kan House Leader in tih ve nachang a hria hi a fin thlak hle in ka hria a.

Tin, Pu Speaker, MUP chungchangah te pawh, Budget ah dah a tlem ti te khan an sawi a. Tunah hei, kan lo hriat danin kan Budget atanga tih ngai lovin Central assistance atangin Rs. 200 crore chuang min pe dawn a ni a, hengte hi lawmawm ka ti a. NLUP chungchang hi nichin lawkah zawhna ah te pawh kan ngaithla a. Kei ka ngaihtuah ve a chu sorkar policy anih hma Party policy a nih laia nasa taka sawisel a, "heng ang hi thil tha lo a ni, kan ram tan a tha lo a ni", ti a nasa taka sawisel te khan dawng ve ta se, tihhlawhtlin hi an tum ang em? tih hi ngaihtuah tham tak niin ka hria. Nasa taka sawisel a "thil tha lo" ti tu te kha an dawn ve chuan tih hlawhchham kha an tum hram ang tih hlauhawm in ka hria a, chu chu han sawi lan ve ka duh a.

Tin, kan budget pharh ruala Pu Speaker, performance budget 2009-2010 sorkar hnathawh lang theia rawn phochhuah a ni a, work programme 2010-2011-a sorkar hmalakna tur department hrang hrangina a bu a an rawn tarlangte hi tunhma a ar khawthim dai taka engnge sorkar hian ruahmanna a neih tih pawh hriat theih ngai mang loh a awm nilova hetiangah mumal taka a lo awm ta hi a lawmawm em em a. 13<sup>th</sup> Finance Commission in kum 5 chhung atana sum min ruahman sak vaibelchhe 8805,30 lai maite hi a lawmawm hle a. Hei 12<sup>th</sup> Finance Commission, sorkar hmasa hun laia mi nen khaikhin phei chuan a punna hi 88.98 % a ni a. Heng hi sawi nep tumin state dangte nen a punna a inthlau lo, State dangte a pung nasa tichiam mah ila, Lal Isua a lenlai huna mi a tihdam in, an han sawisel pawhin, " mi a tidam miao a", a tih ang deuh khan Pu Speaker, a pung miao va, 88.92 % laiin a pung hi a lawmawm hle a ni tih kha kan sawi duh bawka.

Tin, ruahmanna awm mumal loa Health Care kalpui te, zawm tlak ni lo, chhonzawm leh ti a sawisel na te a awm thin a, heng ah te hian Asian Development hrang hrang in Structural Adjustment Loan an lak tur ruahmanna kha dawrkaiin a lo siam, a loan a pawh la hmin silo a kan plan sum atanga cheng nuai sangnga lai mai Health Care atana inthlan dawn kum a an tih te kha mipui hmangaihna ni se chuan ruahmanna tha deuh siamin, a aia hma zawk khan lo kalpui se a chhawrtu pawh an tam

zawk tur a ni a. Hmangaihna kha a tlai deuh hlek in a hriat a, vawiin niah kha loan kha tun thleng pawn ala fel lo a ni a, chuvang chuan kan Department hrang hrang pawn harsatna an tawh phah a, an lo puk si a, chumi an puk ah chuan nuai sangkhat lai mipui Health Care atan kan enkawlna tur ti si in a pung awma lo dah te, khata tanga commission cheng nuai za chuang lai mai lo ei te kha mipuite hmangaihna niin a lang thei lo a. Tin, khang buai nuaih kha chhonzawm tlak leh a nihna kha alang chiang em em bawk a. Heng ang thil diklo te sawi chhuah a nih a, thil ruahmanna fel lo sawi chhuah a nih hian mimal inbeihna a nilo tih hi, Pu Speaker, I vei lama mite hian an hriat a tha in ka hria a.

Niminah member zahawm tak pakhatin Central lehkha Rs. 16.50 crore, Central-in a anrawn pek atanga vaibelchhe sawm chauh hmuhna awm si, Rs. 6.50 crore lo la kal tur ani tih anga lehkha arawn chhiar chhuah ani a kha, Pu Speaker, lehkha pakhat chauh chhiar chhuah chuan kha kha a ni a, lehkha dang a awm si avangin thil inkal a awm a, a buai ta a. Pu Speaker, I phalna in hei hi kan chhiar lawk ang a. Hei Ministry of Health & Family Welfare North East Division lehkha a ni a. “ I am directed to refer to your letter no. D. 11011/10D07 dt. 10.2.2009 on the subject noted above and to say that an amount of Rs. 16.50 crore was released for State Civil Hospital, Aizawl during 2007, 2008, 2009” arawn ti a ni. Hei hi Central-in hetiang hian a ti si a. Nimina kan member zahawm takin arawn release a an ti bawk si a, chutak chu a buaia kha a ni ta a. Chu chu an sawichhuak a, thil dik lo a awm a ni tih kha an sawichhuak a ni mai a, mimal inbeihna ang ni se chuan Farm House tha tak tak neih te, Farm a generator duh te pawh an sawi lang tur a ni a. Khalam kha sawi lan a awm lova. He Sorkara thil chianglo lo awma kha sawichhuah a ni mai a ni tih kha ka'n sawi lang ve duh a. Tin, Health chungchangah mipui hriselna ngaihtuahna Budget-a lo lang- Primary Health Centre leh Health Sub- Centre sakna tur crore 30 lai mai kan ruahman te hi, kan mamawh leh infrastructure kan mamawh a ni a.

Tin, Lunglei District hmasawna tura vaibelchhe 6 lo lang hi a lawmawm ka ti a. Chhimlam saw Sorkar hmasa, term hmasa lamah te ngaihsak inti in DG Southern Range dah te pawh kha an han chhuang viau a. Amaherawhchu, sorkar tharah High Power Committee-ah Chairman fel tak niin hmasawna tam tak ruahmanna leh hmalakna a awm chho a. Tuna vaibelchhe 6 lai mai kan dah a te hi Normal Development Scheme bak belhchhahna chu an ni lehngal a, hengte hi a lawmawm hlein ka hria a.

Tin, thil lawmawm em em chu Improvement in Justice Delivery System-ah hian vaibelchhe 12.96 an awm ta a, heng te hi administration of justice te ngaihpawimawhna te hi a awm lo thin a, a bik takin term hmasa lamah te phei kha chuan, dan kha a pawimawh lo em em a, Sorkar khan a duh duh in a kalpui a ni mai a, ruahmanna te, dan zawmna te kha a awm lova, chuvang chuan mipuite an mangang a, an thawveng lova. Police Officer rual mangangin October 2005-ah khan an meeting a, dan keng kawhtute lo chuan tuman dan lo lek kawh loh tur tih thu te an siam hial a. December 2005-ah khan Mizoram Bar Association ten dan bawhchhe tute sorkarin dan angin hrem rawh se ti ten thu an chhuah khan dan an ngaihpawimawh loh zia a ti lang a. Chuvang chuan, rule of law, dan hi democracy ah chuan a lalber tur a ni a, kan ngaihpawimawh tur a ni. Rule of law ni lo in rule by law, dan kan duh zawng zawng a kan pawhfan ni lovin, kan ngaihpawimawh loh khan mipui an him lova, tiang chuan vawiinniah chuan kan House Leader, abik takin he sorkar thar leh kan House Leader te dan ngaihpawimawh em em,

dan a lalber tur a ni, dan angina engkim tih tur a ni tih kalpui a lo nih takah hian mipuite pawh an lo thawveng ta a. Tin, tun hmaa thil hriat theih mang loh chi te a langtlang vekin a lo awm ta a. Ram hmasawn leh ram changkang tih te pawh hi dan an zawm tha a, tichuan dan an ngaipawimawh a, tiang chuan heng corruption kan ram tana tha lo te, in duhsakna hleihluak kan tih te pawh hi dan zawm ila, dan ngaipawimawh ila, sorkar pawhin, mipui pawhin dan ngaipawimawh sela, tiang chuan kan ram hian hma kan sawn ang a, corruption kan tih te pawh hi a tlem thei zel ang tih te pawh hi a rinawm a ni tih te kan sawi ve deuh a ni. Tichuan, budget hi a tha tih kha kan support bawk a ni. Ka lawm e, Pu Speaker.

**Pu LALROBIAKA** : Pu Speaker, ka lawm e. Hei vawiin ah budget discussion hun tha tak mai kan nei hi lawmawm ka ti a. Kan budget hi a pun dan te leh a ken tel chi hrang hrangte han en hian a lawmawm hle in ka hria a. Tin, kan sawi ang khan kan budget han pharh dan te hi a danglam ta viau mai a, an ti a kan opposition lam tan. A danglam a lo nih pawhin heng hi tih ngai loh a nilo va ni tih kha ka'n sawi duh a. Kan State thenawm te, Meghalaya te pawh in hetiang hian an lo pharh ve tho tawh a ni a. Chuvang chuan dan kan bawhpelh hauh lova. Amaherawhchu, kan duh ang zawng zawng hian thil a kal lo a ni tih kha hre tu te an ni a, amaherawhchu, hre chung chung in tiang khan an han sawi niin ka'n ngai a ni.

Tichuan, sawi tur tam tak a awm a, amaherawhchu, kan sawi seng lovang a. A bik takin 13<sup>th</sup> Finance Commission in a Rs. 8805.30 crore lai mai min han pe thei hi a ropui hle in ka hria a. A indawt danah te, an pek dan ah te kan lo thlir dan leh kan tum dan kha a mak deuhin ka'n hria a. Kan State hrang hrangah hian mipui dan te, tin, kan mamawh dante a in ang vek lova. Tin, State kan nih dan te pawh a rual vek reng reng lo a ni. Chung avang chuan a pek dan phung ah pawh tuna percentage kan hmuh ang te hi a ropui viau in ka hria a, 88.92 crores lai mai kan han hmu hi a ropui ka ti a.

Tin, kan budget atanga thil tam tak lo lang, a bik tak in Sainik School kan nei tur leh a sakna tur atana 50 crore lai mai min han pe te hi a lawmawm hle in ka hria. Kan hriat theuh angin 1940 velah te, kan tlangval tha te sipai ah an tanga, chungte chuan Mizoram leh India ram mai ni lovin British ram pawh kha an chawimawi a ni. Mahse, hun lo kal chho zelah hian hetiang Sainik School te kan neih loh avang te, a infrastructure chi hrang hrang te leh a facility te kan neih that loh avangin State dang, kan State thenawm mai Manipur te pawh hian nasa takin min tlan khalh tawh a vawiin ah hian hetiang nei thei tura budget kan han nei thei ta mai te hi a ropui hle in ka hria a ni. Hetiang anih chuan kan fate leh kan thlahte zel tan eng ropui tak kan siam dawn a ni tih kha Chiang takin a langin ka hria a.

Tin, keini bial bik hi Border Area bial kan ni a, chumi chi hrerengin construction of Police Station Building, Border Areas atan, 31 crore lai mai min han allot te hi a ropui ka ti a. Kan hriat angin Bangladesh te, Burma te kan ram in a ri a, chungah chuan kan police te thuam that an ngai em em a, police modernization atan sum kan hmuh tawh, hun hmasaah khan ekin kal thei te kan lei a, kel pal te pawh kha police station ah hian a lo lut thin reng reng em maw ni? Kel pal te kan lei ta mai mai kha an ni a. Chutiang chu anih laiin kan chhawr tangkai tur anga chhawr ta lovin pawisa tam tak bo na Department kan siam kha a ni ta mai a, chutiang chu anih tawh hnu in, hetiang police

te thuam thatna tur atan a bik taka kan mamawh em em Border Area atana 31 crore lai mai kan han hmu te hi a lawmawm hlein ka hria a.

Tin, construction of Additional Building for Civil Secretariat atan hian 20 crore kan han hmu leh a. Kan hriat theuh angin hei kan office te leh thil chi hrang hrang mamawh a lo tam zel a. Chung atana kan mamawh te hrereng chungin kan zawh theihna tur atana heti zozai mai kan han hmu te hi a lawmawm hle a ni. Vawiinniah hian mihring kan pung zel a, mamawh a sang zel a, chungah chuan kan staff-te a ni emaw, kan instrument te lo up-date te a lo ngai zel a, chungah chuan building tha leh changtlung zawk kan mamawh a ni, chung atan heng zozai kan hmute hi a lawmawm thlawtin ka hria a. Keini kan bial bikah hian ‘Khuangchera puk’ te kan nei a. Khungte pawh khu hemi zingah hian a tel ngei turah ka ngai a. A bik takin vawn him a ngai em em a ni. Heti zela kan kal chhoh chuan nakinah chuan kan puk neih that te. Tin, thilchi hrang hrang – khung Pukzingah te, hmun hrang hrangah kan neih ang chi ho a hi kan vawnhim theihna tur atana hetiang pawisa 12 crore lai mai han awm te hi chung atan chuan tangkai taka kan hman theihna tur atana tul han awm hi a lawmawm ka ti a. Tin, mipui pawh hian heng hi kan vawn him tur, kan thlahte kal zel atan a thil an htiat ve theihna tur atana kan tih theih leh chumi rilru pu a kan kalpui hi kan mamawh em em a ni tih te kha kan sawi duh a.

Tin, buaina hrang hrang khawthlang bialtu te chuan kan nei thin a. A bik takin kan budget-a lo lang Bru Deportation chungchang te a lo lang a. Vawiinniah hian kan duh thalin kalpui chaklo mah ila, he Bru deportation chungchang ahte pawh hian kan sorkar, kan Home Minister te leh kan Chief Minister chak tak te hmalakna in thui tak leh chak tak a hmalak mek a ni a. Heng te hi mipui leh helai lokal te hriat atan kan sawi lang duh hrim hrim a ni.

Tin, Law & Order chungchang ah hian a hre tute kan ni a. Law & Order-ah nasa takin hmasawna kan nei a. Mipuite an zalen a, mipui te zalenna ram ah lo chuan development a thleng thei lo a ni tih kan hria a. Kan hun hmasa ah kha chuan he kan bialah te pawh hian Pukzingah te, Phuldungseiah te, tu tu te emaw motor te khan hel kan han tih ang chi te pawh kha phurh thlak / phurh chhoh thin a ni tih te pawh kha kan hria a, Chiang takin a ni leh thla te pawh kan chhinchhiah veka ni. Chutiang te chu a ni a. Amaherawhchu, vawiinniah chuan chung chu awm tawh lovin, hel te pawhin he ram hi an zalenna ramah ngai lovin tunah hian min tihsan zel a ni a. Sawi tur a tam khawp mai Pu Speaker, chutiang chu a nih laiin vawiinniah duh tan chuan sawi tur te an la nei ve zel a. Leh lamah chuan a englam ngaihtuah lova a thim lam han ngaihtuah zel te pawh hi a pessimist zawng a thil chhui hi thil tha tak anih ka ring a.

Tin, Power Development chungchangah hian Serlui ‘B’ te, Tuirial te, Tuivai te, Kolodyne Phase-II ah te hmalak chhoh mek a ni te hi a lawmawm in ka hria a. Mega watt tam tak kan hman sen loh tur hi tun kan sorkar chhung hian nasa taka hralh chhuah tham kan nei thei dawn nia lang te hi a ropui ka ti a.

Tin, sawi loh theih loh Sports infrastructure chungchangah hian sawi tur tam tak a awmin ka hria a. Kan sorkar hmasa hian kan sorkar chhung zawng hian, term khat chhung hian Mizoramah stadium 16 kan din dawn a ni an ti a. Amaherawhchu, kum sawm an sorkar chhung hian stadium hmuh tur kan neilo a ni. Kan sorkar tharah hian

thla 6 chhungin stadium puitling sak tan a ni ang tih a ni a. Vawiinniah chuan tuma sawibuai theih loh, tuma hai theih loh in tunah hian Mualpuiah sak mek a lo ni te. Tin, chumai piah lamah chuan AR Ground pawh artificial tur a chhuat phah tha tak mai nei tura kan han in din chho mek te hi a ropui ka ti a. Vawiinah hian kan thalai ten thlamuanna leh sports atana thawh huai huaina tham thil an hmu tawh a. Chung avang chuan kan hmalam hunah hian Medal tha tak tak te, prospect ropui tak kan nei ani tih hriain kan sport mite pawh hi an inchher chho mek a ni tih te pawh House-ah hian han sawi ka duh a.

Tin, Pu Speaker, minute khat lek, hei lawmthu han sawi te pawh ka'n duh a. Aibawk, Darlung kawngah hian fual taka leilawn zawhin, harsa takin fur ah kan kal thin a. Vawiinniah chuan kan sorkar chak takin Leilawn tha tak mai 196 lakh man min dawh sak a. A dung 67m, avang 5m, chutiang chu truck pawhin a zawh theih tura hi kan sorkarin tun maiah hian a zova. Amaherawhchu, a hawanna hun neih a la ni lova. I ho ngeiin kan la hawng turah te pawh ka inggai a. Heng avang te hian kan sorkar chak tak chungah hian lawmthu kan sawi duh bawk a. Kan budget hi a ropui a, a tha a, mizo te damna a ni tih hi ka sawi duh a ni e. Ka lawm e.

**S P E A K E R** : Tikhan a wind-up theih tawh mai lawm ni. Awle, Pu P.P Thawla.

**Pu P.P THAWLA** : Pu Speaker, ka lawm e. Mizoram sum tur Budget sawihona hun thawl tha tak mai kan neih leh theih avangin lawmawm ka ti hle a. Amaherawhchu, tun anga hun thawl taka kan sawihona hi a changtu Finance Minister ngeiin kan thusawi te min hriatpui thei lo hi paw ka ti hle a. Amaherawhchu, sum tam zawk kan neih theihna tur atana Budget Plan sum tam zawk kan neih theihna tur atana Budget Plan sum inchuhna ah a duty zawk a ni tih kan hriat avang erawh chuan a lawmawm tho a. Hlawhtling taka kan Zoram sum tur a rawn hawn ngei pawh kan beiseiin duhsakna ka han hlan zui a ni.

Pu Speaker, ka sawi hmasak ber duh chu nikum khan BADP Scheme Saiha Block te leh Tuipang Block ten kan chan khan kumdang aiin a pung a, a lawmawm hle a. Tin, District Council pathum huam chhung hi BADP sum hmang tel vek kan ni a, kan Council Plan sum a tlem hlawm bawk a. Chutih laia BADP sum lo awm thei te hi thil lawmawm tak ka nghahhle em em ani a. Amaherawhchu, nikum ami kha ka hresual in ka ring lova, 60% vel chu a District chhung mihring ai mahin Aizawl lam mihring hi ( a scheme a sum tam zawk tur a hi chu) changtu an ni a. Chuvang chuan Saiha District lama mi cheng hote bial han fan kual velnaah an phun nak nakin ka hria a, paw ka ti hle a. Hetiang hi nidangah awm chhunzawm tawh lo sela, hetiang Central atanga sum kan hmuh belh hi a ram leilung fatena a hlawkna kan tel ve ngei theihna turin min hriatsak zui atan tha ka ti hle a, ka duhthu ka'n tarlang hmasa duh a ni.

A dawt leh ah chuan BRGF sum hi Lawngtlai District leh Saiha District ten kan hmang tan mek a. Hemi chungchang ah hian Central atanga kumkhat atan nuai 800-900 chuang Scheme hrang hrang siam theihna tur lo awm thei hi Pathian malsawmna District mitena kan chan a ni tih kan hai lo ang a. Chutiangah chuan bial khat atanga

thlantlin MLA ni ve ta hian a hman dan tur ah te, rorelna velah te, hman dan a chhiat that ah te hriatpui ve tura member kan ni ve te hi thil tul tak ah ka ngai a. Chutiang tur chuan nikum khan 16<sup>th</sup> November-ah khan kei pawh BRGF Board member atan ruat vena order kha RD Secretariate atangin ka hmu a. Amaherawhchu, Central lam hotute rem tih lohna nge ni ang a, State Sorkar phal lohna nge ni a, Mara District lam hotute rem tih lohna nge ni thla khat pawh member ka nih hma khan paih leh ka ni daih mai a. Member ka ni lo chu a lehlam takah chuan a hahdam thlakna lai chu a awm a. Amaherawhchu, sum tam tak a ramin kan hman theih tur leh development sum ,a hman dan a chhiat a that hriatpui thei lo tura hnawl ka ni mai kha chu a fel tawk lo mangle aw ka ti deuh a ni.

A dawt leh ah chuan MLA fund chungchang kan ngaitla tam tawh hle mai a. Nikum lamah khan MLA fund zat tur chu GPC in nuai 40 theuh bial khat atan a pass tawh hnuin NLUP vang zawk nge thildang tulna vang zawk nge, a tawp a tawpah chuanin nuai 25-ah dahthlak a ni a. Keini bial kil leh Village Council tamna lamah chuan a khamawm loh hle mai a, kan inchuh luai luai mai a, a buaithlak hle a ni. Chuvang chuan kal tawh chu kal tawh ni mai sela, tun kum 2010 hnulam ah hi chuan nuai 50 em a tlin loh pawhin GPC in a pass hmasak nuai 40 vel tal kha chu anih a beisei awm hle a, chu chu kan thlir dan a ni a. Tuna kan Budget bu-a a lan dan erawh hi chuan 25 kha a lan dan a ni leh mai a, hei hi chu a tawp-na nilo hram sela.

Kan Chief Minister zahawm tak Finance changtu nibawk in Plan sum a rawn hawn belh tur atang te hian hei hi chu passed hmasak ang tal kha thleng chho leh hram sela tih hi a duh awm hle a. Chu chu ka duhna leh duhthusam ka'n tarlang a ni. Duhthusam rau rau ah chuan keini a kilkhawr ber bialtu nih phei chuan hmun laili, Aizawl khawchhung a MLA te'n an fund hi min pek belh nghe nghe se tih hi kan duh em em lai in nuai 25 maiah khan tawp lo hram sela tih kha kan sawi leh duh a ni.

Nichina kan ngaihtlak tawh ang tho khan PMGSY hi Sorkar hmasa ten hma an lo la a, keini Saiha District lamah pawh a hmel hi kan hmu nasa ve hle a, hmasawna ropui takah kan ngai a. Amaherawhchu, Contractor engemaw zat atangin kan bill nghahhlelh em em cheque min issue a, kan lawm hle a, Bank a kan han kal khan a lo awm der lova, tih an sawi thu kei pawhin ka lo hre ve a. Hei hi Sorkarin thil dangah a lo hmang rih ta nge? engnge a chhan leh vang tih kha kan hotuten min lo chhinchhiah sak chuan ka lawm hle ang.

Tin, a dawt leh a kan sawi leh duh chu NLUP chungchang thu kha kan ngaitla tam hle tawh a. Amaherawhchu, hei hi bial ka han fan vel naah min zawt tute an tam bawk si avangin, ka hriat dan atang pawh a han tihrik ve kha ka bat a niin ka hria a. NLUP hi policy tha tak mai, ram mipui tena kan nghahhlelh a ni a, he a din chhan/phah pawh a ni renga. Hemi sum beisei hian thingtlang khua ka bial ah phei chuan 'lo invat em?' tih ka han zawt kual vel hian, lo vat a, lo siam pawh hi an awm tawh mang nange tih khawp hian he thil thar beisei hian an lo nghak thup mai a. Chutiang taka ram mipui ina kan beisei leh kan thlir chu kan beisei ang hian thil a hlawhtling lo palh ang tih thahnem ngaih thu ah ka han tarlang ve duh a. Kan ram mipuite hi, sorkarna, tu party pawh in lo kalpui ta sela, mipui hi a thatchhe zawnga kan kal theih lohna turin Sorkar kal lai hian kan kaihhruai hram hram a, taimakna te, thawhrimna te, rinawmna te leh rilru thianghlim a theih chen chen a kan zirtir a, kan kaihhruai hram hram hi a tul a ni.

Chuvangin hemi NLUP hmalak zelna tur chungchangah pawh hian Sorkarna changtu, kan hotute hian taima zawkin mipui hnenah hian zirtirna tha hi pek chak a tul hle in ka hria. Chuti lo chuan kan mipuite hian hman dan thiam lovin, sawtpui lam aiin sawtpui lo lam zawngin kan lo beiseiin kan lo hmang palh ang tih a hlauhthawn awm a. Chutiang chungchangah chuan ka thahnem ngaihna ka han tarlan belh ve bawk a ni.

A dawt leh a ka han sawi duh chu, Mizoram State chhungah minority-ho tan District Council pathum kan nei a, heng District Council pathum kan neih te hi Budget session hmasaah khan ka han tarlang tawh na in ka han tarlang leh duh a. Mizoram population nuai 10 zingah hian District Council pathum a mi chengte hi 16% vel hi kan ni ve a. Kan sum chan dan erawh hi chu 2% ang leka chang angin ka chhut chhuah dan a ni a. Hei hi kan sorkar chak tak hian tun aia tam zawkin he council pathum te sum chan hi min thlir sak sela, hma min lak sak sela. Sorkar chak tak kan neihna ang takin council pathum tena sum kan chan hi min tihpun sak thei sela. Chutiang chuan kan council huam chhung theuh ah chak zawkin, phuisui zawkin hma an la thei ang a, a mi chengte pawhin nasa takin hma kan sawnpui ngaie ang tih beiseina a lian hle a, chuvang chuan, hemi Autonomous District Council pathum te sum pek chungchangah sorkar thar hian zau zawka thil min thlir sak ka duh a, chu chu kan tarlang duh a ni.

Tin, Mizoramah phaizawl tam tak kan nei a, Phura Pilot Project-ah hian potencial area zau tawk tak kan nei a. 1975 U.T sorkar hmasa ber hunlai atanga Pilot Project a bul tan a ni a. Amaherawhchu, truckable road a ni lova, kawngpui tha kan neih loh avangin kum rei tak hnuah pawh anih tur ang ala thleng zo lo hle a ni. Sorkar hmasa khan dozer leh JCB te hmangin nasa takin, mahni chakna leh mahni suma an lei let zawl enkawl tha thei lo te ram kha a nawr mam sak a, a ti zawl teuh a, hemi hmalakna te pawh hi NLUP sum atang emaw, kawng dang atang emaw a he Pilot Project hi district leh a huam chhunga chengte tan chauh ni lovin, Zoram tana thil tangkai tur anih avangin tun sorkar chak tak hian heng hmalakna ah pawh hian nasa lehzuala ngaihtuahna a neih ka duh a, chu chu ka han tarlang leh duh a ni.

Pu Speaker, a tawpna atan kan sawi duh chu – Aizawl District, Lunglei District, Chhimtuipui District te, District kan neih hmasak ber te zinga Chhimtuipui District headquarter ni thin – Saiha ah hian, tunah chuan Saiha District niin a headquarter hming ala pu zel a. Hetah hian Irrigation Division hi he sorkar chak tak hian min dah sak ngei se tih ka ngen duh a. A chhan chu Irrigation te, Agriculture te hi ram mipuite tana hmasawna tur pawimawh tak Department anih avangin, Agriculture mai bakah Irrigation tan Saiha ah hian Division min dah sak ngei se tih hi ka ngen duh a ni. Ka lawm e, Pu Speaker.

**S P E A K E R** : A wind-up theih nge? wind-up theih na nge? wind-up tu lo koh mai ka tum tawh a, Pu Joseph Lalhimpuia.

**Pu JOSEPH LALHIMPUA** : Pu Speaker, ka lawm e. Hun reilote hman ve tha in ka hria a. Budget chungchangah chuan thil tam tak ka sawi lo ang a. Amaherawhchu, 13<sup>th</sup> Finance Commission-in award minrawn pek atangin hmasawna nasa tak kan nei thei ang tih ka ring a. Pu Speaker, NLUP chungchang hi kan sawi a, kan ngaithla thin a. Sorkarin nasa takin tih hlawhtlin tumin hma a la mek zel a. Ka

ngaihtuahna a thil awm pakhat kan tarlan ve duh chu kum hmasaah hmalak tan tumin kan hotuten budget-ah ruahmanna an nei a, budget-ah an han daha, I veilama thute hian an rawn sawi danah chuan hei hi chu Central Sorkarin package a min pek tur in ti si a, budget-ah vaibelchhe 100 lai in dah bawk si a, hei hi engnge a awmzia? an ti a. Tun tumah hian kan ngaih thlak ang khanin Central in kan Plan budget sum su hek lovin ruahmanna min siamsak mek a ni tih kan hria a. Chuvangin, a token chauhin kan hotuten an han dah a, budget ah pawh in dah si lo, tih hlawhtlin in tum tak tak lo ami? an ti leh si a, hriatthiam har ka ti khawp mai. A buaithlak lai ber chu NLUP awmzia hi i veilam a thu te khan an la hrethiam tawk lovin ka hria a. Kei chuan zofate inkhai dinna tur leh mirethei, miharsa tena leirem an rahna tur atana profit a ni tih ka hria a, chulai chu kan han sawi duh a.

Tin, a pahnihna ah chuan sorkar hmasa hunah khan memorandum of understanding tih te, society lem, rintlak loh, hmantlak loh tam tak a awm a, chung ina a thil tih chhiat leh kan ram sum leh pai tam tak a lak hek hi vawiinniah hian sawi tur tam tak a awmin ka ring a. MoU, kan sorkar sum hekna tur tam tak ziah a awm a, hei, Bharat Niman hnuaiah electric eng khawtin in kan neih theihna tur atan RGGVY hnuaiah te pawh MoU mumal lo tak signed anih avangin tunah hian tax atanga kan hmuh tur vaibelchhe engemawzat, vaibelchhe ruk, vaibelchhe sarih vel kan chan phah niin ka hria a. Chutiang bawkin helai House zahawm takah pawh kan member zahawm tak tak ten an tarlan tawh ang khan, Venus Bamboo kan han tih te, Winery chungchang ah te, Piggery Village tih te, Health Care te leh inthlan dawn hnaih a zirna sikul upgrade tam tak te, thil dik lo leh mumal lo tak lo tih thin hian kan sorkar sum nasa takin a ei ral ani tih hi kan hriat hnu mah nise vawiin ah he House zahawm takah hian kan tarlang duh a. Hetiang thil awm ta lo a kan Minister zahawm tak tak tena ram leilung faten an chhawr theih tur atana company nen an in dawr naah pawh mimal ang pawh a dawng mai lova, official leh third party thlengin an dawn thin te hi a ropuiin ka hria a. Heng hian kan ram in pawisa kan neih ve dik taka kan hman theihna turin vaibelchhe tam tak saving kan neih phah ani tih ka hria a. Hei hi tawi te in ka han tarlang duh a. Hei hi corruption dona hmanraw lianpui mai ani tih kha a tarlangin ka hria a.

Budget chungchangah chuan kan member zahawm tak ten an sawi tawh a. Chanchinbu lamah te kan hmu a, kumhnhina Chief Minister zahawm tak kaihhruaina hnuaiah sorkarna kan hmang ve dawn ani a. Chungah chuan (za a sawmli, sawmli panga per cent) laiin kan budget pawh a pung dawn niin kan hria a, a lawmawm a ka han tarlang duh a.

Thil pakhat – Chhim lampang bial te pawh nita se, example atan te pawh, kum 10 liam ta a nuhrwn sorkar ang mai a kan lo neih thin vawiina hmangaihtu sorkar kan neih tak chungchangah hian thil thenkhat khaikhin a han tarlan ka duh a. A bik takin keini han ti ila, tawng kam mawilo ani lo ang chu maw Lunglei District leh chhim bial mipui te hian thisen a tlan ka ni tih hi kan in hre chiang khawp mai a. Central Sorkarin zirna School tha tak, a thlawna miharsa te pawh in a zirna school, chenchilh a school (residential) kan neih theih nan tribal affairs minitry atangin lungleiah kum engemaw zat atang khan min rawn pe a. Central-in Mizoram sorkar hnena pawisa a pek tawh hnuaah pawh Mizoram sorkar atanga chumi sum Lunglei a hnathawh tanna la tur chuan thisen senga kawngzawh te, chaw nghei te a ngai a.



Tin, Tlabungah hei vawiinah chuan kan Chief Minister zahawm tak leh kan Trade & Commerce Minister zahawm takin hma an lakna a zarah Kawrpuichhuah, Bangladesh nena kan in sumdawn tawna pawh bul tan tum mek a ni a. Land custom station tihpuitlinna tur atana central sorkarin pawisa minrawn pek pawh State sorkar atanga a taka hnathawhna tur lek chhuahna turin thisen a ngai leh a, chutiang chuan kan mual neih that ve ber pahnihnaah a lai takah in an han rel pup mai a, infiam theih reng reng loh turin. Tin, mi harsa te leh mirethei khawpuia cheng tan chenna in an neih theih nan EWS hnuaiyah mi harsa, chhungkaw 500 chenna tur central sorkarin Lunglei khawchhung tan minrawn pe a, sorkar hmasa hunah khan. Chung atang pawh chuan chhungkaw 300 chenna tur chu min la lak sak leh tho a ni. Heng te pawh hi kan Chief Minister zahawm tak leh kan UD & PA Minister zahawm takin a nihna tur ang takin kal tawh se an tih avangin Lunglei khawpui chhungah chhungkaw 500 tana kan hmuh ang takin ruahman a ni ta a ni. Hei hi sorkar hmasa, Chhim bial mipui te leh Lunglei District mipuiin kan hrawn dan a ni a. Tin, vawiinah hian Development thil tam tak a luh loh zia chu sawi ngai lovin kan hria a. A lut mek tur pawh chutiang khawp chuan thisen senga inthlan nawn leh te a ngai a ni. Chu chu sorkar hmasa hun a ni a.

Vawiinah hian Chief Minister zahawm tak kaihhruaina kan han nei a, kan hmasawna kal mek tawi te han tarlan leh ka'n duh a. Kan member zahawm tak ten an sawi ang khan Lunglei High Power Committee pawh Congress sorkar hun hmasa lam, kum 10 hmalama lo din tawh a ni a. Vawiinah chuan mipuite mamawh leh mipuite hmasawna thawk thei turin Budget te pawh pek a ni ta a. Hengte hian Chhim bial mipuite rilru a ti dam nasa em em a, kan lawm hle a ni tih kha ka'n sawi duh a.

Tin, chumi bakah chuan, hei, kan UD & PA Minister zahawm tak hmalakna in tun atanga reilote ah hian Convention Centre, vaibelchhe 20 dawn lai senga sak tur pawh bul tan mai theih a ni a. Central sorkarin min pawmpui tawh a ni tih kan hria a. Tin, thalai te khawvel thar siam tura kan sorkar hmalak mek naah Zobawkah State Sport Academy te pawh reilote ah hmalak theih turin crores tam tak sengin ruahman a ni a. Lunglei mipuiin hnianghnar a tui intur an neih theihna turin Lunglei Greater Water Supply Scheme Phase-II pawh tunah DoNER Ministry in min pawmpui tawh a. Min retain sak tawh a ni tih te kan hria a.

Tin, Sorkar hmasa hunah khan thalaite infiamna turin Hall tha tak sak tum a ni a. Kan Minister zahawm tak tak ten khatih hun lai khan a lungphum te pawh an phum tawh thin a ni, Chandmary vengah te pawh. A lungphum te pawh tunah chuan hmuh tur awm tawh lo khawpin a awm a. Amaherawhchu, hei kumkhat emaw lek kan han sorkar a, kan Chief Minister zahawm tak hmalakna avangin sorkar kum kal mekah hian bul tanna Rs. 50 lakh min han pe a, hengte pawh hi April thlaah te chuan kan Chief Minister zahawm takin a lungphum pawh min phumsak a tum in kan hria a, kan lawm hle a.

A tawpna bera kan sawi duh chu mipuite hmangaihtu sorkar kan nei tih kan Mizoram sorkar leh zofate hun lokal leh zel tur atana kawng tha a siam nasat zia hi pakhat chauh han sawilan ka duh a. Hetianga hmangaihtu sorkar kan neih takah hian mipuite inpekna leh thawh hona a nasa em em a. Tunah chuan Lunglei District chhungah, Lunglei khawpuiah te, Hnahthialah te, Tlabungah te hun lo lakal leh zel tura kawngpui zau zawk kan neih theihna turin kawngpui zauh committee, khawpui leh khawte deuh ah te din a ni a. Veng hrang hrangah V/C leh NGO hrang hrang in hma an

han la a, kan veng kawngpui a zauhna turin mimal in an kik a, “Ka pu, ka pi kan vengin kawngpui zau kan neih theihna turin i ram hi chumi zat chu min pe ve rawh”, an ti a, an lengkual a, tunah chuan vengtin deuh thaw sawn proposal an siam tawh a, kawngpui engemaw zat zauh a ni tawh a ni. He High Power Committee pawisa, kan Chief Minister zahawm tak leh he sorkar chak takina min pek te leh PWD lama hotutena pawisa engemaw zat min pek atangin a pawisa hlutna value han chhut chuan Department in an hmang diklo kan tihna ni lovin, Department in theihpatawp chhuaha an thawh aiin, mipuite inpekna avanga heng kawngpui kan zauhna pawisa te hi, a hmanna turah hian kan hmang nasa em em a ni tih ka sawi duh a. Chuvangin he sawrkar chak tak leh tha takin hma a lak naah hian lawmthu han sawi loh theih loh niin ka hria a. Vawiinah hian hun reilote kan han la a, lawmthu ka rawn sawi a ni. Ka lawm e.

**S P E A K E R** : Hun a hmang thiam hle mai tunge han sawi leh tur kha, Pu Rina em ni phar kha? Pu Rinawma zawk kha a ni a, mahse khi hun khi a chep hle tawh mai a, minute nga chhungin in khung zaih zaih thei ang em le? Pu Lalrinawma Ralte ilo ko ang.

**Pu LALRINAWMA RALTE** : Pu Speaker, ka lawm e. Hun a laklawh viau na a kan inhrethiam thei ang chu maw. 13<sup>th</sup> Finance Commission in sum min pek tur ruahmanna chungchang hi a hmasa berin han sawilan ve zawk ka duh a. Sawina tam takah khan a bik takin Pu Speaker, i veilam atanga rawn sawiah khan in vuipuina te, vawiin ni thleng pawhin uang thei kan nih loh zia lamzawng sawi a tam viauin ka hria a. Amaherawhchu, a punna hrim hrim – 88.92% a lo sang ta a han tih hrim hrim a te hi thil lawmawm a ni a. Sang ber lo, 17-na kan ni , a pun tam lamah, tih te a ni a. Chanchinbu lamah te kan hmu hlawmin ka ring a. Hetianga Finance Commission in a award a tih dawn hian criteria a zam thin ani tih kan hria a. Chungah chuan tunah pawh State rethei a ngaih ni si, amaherawhchu, tun hnaia Mining Industry vel alo than thut avanga an GSDP lo sang hluai si, entirman, Orissa te, Chhatisgarh ah te, Jharkhand ten an hloh nasa em em a ni. Tehfung, criteria hrang hrang a rawn siam thin a, kan tax ‘share’ tur a rawn ruahman ah khan population tam ringawt te a ni ber lova. Kan income tam dan, kan GSDP than dan te atanga tehin tunah pawh a hloh tam ber tura ngaih pawh Jharkhand kha niin ka hria a. An hausa a ni lova, amaherawhchu, tuna an GSDP than danah a san tlat avangin state chechhe mek te tanpui tam kha a duh bawk si a, kha teh fung atang ringawt pawh khan an tla thla duai duai mai a ni. Tuna tla thla ho Chhatisgarh te, Jharkhand te, Orissa te engvangin nge an hniam han tih kha hriatthiam har tak a ni a. Mahse, tehna sir khat atang chuan an lo tlahniam ve a ni. Chumi tehna atang chuan Mizoram pawh hi kan GSDP growth rate a chhe miah lova. Nimin lama kan ngaihthlak member zahawm tak ten an sawi ang khan kan Net GSDP atanga Per capita chawhchhuah pawh hian Mizoram hi kan dinhmun a chhe lutuk lo, a rualkhai em tih chu thudang ni se. Tunhnaia chanchinbu, National paper-ten an rawn zia kah pawh khan kan hmu hlawmin ka ring a. North-Eastern State-ah hian kum 15 kalta chhunga national level aia Per capita income sang reng chu Mizoram chiah hi a ni. State thenkhat hi kum 2 te an sang zawn thin a. Amaherawhchu, an tlatla leh thin a. Chuvang chuan, he tehfung atang hian kan dinhmun hi a chhe lem lova. Sorkar kalta te ngei pawh zuk fak tel tho ila, chulaiah chuan; tunah pawh a ni tho a Kan GSDP than dan a san tlat avang hian kan share-a hi a tlahniam ve thei a ni tih te ah a sir lehlam atangin hre tel ta

ila. Chuti lova ka tlatlum lo ani tih ang zawng, engemaw zawnga in sawiphet tumna hi chu thil dik tluantling lo niin a lang a.

Kan Finance Minister-in a budget rawn pharhah pawh khan kan hmu a. Heng rawtna hi a nih dan tur a ni hlen chuang lova. 12<sup>th</sup> Finance Commission-ah pawh khan a tak takah chuan kan hmuh kha a tam ta zawk daih tih te pawh kha sawi lan a ni a.

Tin, chubakah chuan thil lawmawm kan ti dawn nge, chhinchhiah tlak deuh mai chu, goods & services tax in kan kal dawn a, chumi chungchangah chuan compensation pek dan tur ruahmanna an nei a, hloh engemaw a lo awm a nih pawhin.

Tin, renewable energy-ah kan hmalak dan atangin lawmman min pek tum dan 13<sup>th</sup> Finance Commission hian an nei bawh a. Tin, Infant mortality Rate hi naupiang 1000 zelah Mizoramah hian 2008-ah khan 29.73 an boral a tin 2009-ah khan 38.34 an boral. Hengte hi Health Minister chak tak hmalakna a kan tih tlak hniam theih chuan, 13<sup>th</sup> Finance Commission hian lawmman min pe dawn tih pawh a in ziak vek a ni. Chu chu a tha zawnga kan competition neihna tur te niin ka hria a, chance kan neiin ka hria.

Tin, kan sum leh pai dinhmun hrim hrim ah ‘fiscal sustainability’ tih velah te pawh hian, sawi lan tlak deuh ni a ka hriat chu leiba hi a sang chho zel kan ti a. Amaherawhchu, GSDP nen khan a ratio lak a, per centage-a chhut erawh chuan achievement ropui deuh mai tun kumkhat chhung pawh hian kan nei niin a langa. Kum 2008/2009-ah khan GSDP 85.88% leiba kan nei niin alang a. Amaherawhchu, 2009/2010-ah chuan 78.44%-ah a tla thla hman daih a. (Speaker :- kan chawlh a lo hun ta a, engtin nge ni dawn; minute 5 vel kan pek belh leh mai dawn em ni, a sawi tui laklawh bawh si a? Phalsak mai ang u aw?). Awle, Pu Speaker, ka lawm e. Hei hi achievement ropui tak niin ka hria a, han sawi lan chi niin ka hre bawh a ni.

Tin, 13<sup>th</sup> Finance Commission in a pawisa min pek turah hian han sawi lan duh ka neih pakhat chu ‘disaster relief’ ah hian sum min pek tur kan hmu a. Hei hi kan zavaia ngaihtuahna kan hman nawn leh ngaiin ka hria. Nikum chhung khan North East India hi lirnghingin wawi 13 min shock a. Kuminah hian ritcher scale a 4 atanga a chung lam ringawt wawi li kan tuar hman tawh a ni, February 16,20,23 leh March 13-ah. A hnukung hnung hi a na emaw ni tih tur a ni lehngal a. Hmanni a nghing kha 5.6 ritcher scale a ni a. Hei hi logarithmic progression a kal a ni a. 6.6 chu hman ni a nghing ai khan a let 10 a na tur a ni a. Mi State a nghing thin 7 chunglam te hi kan ngaihtuah thin a. Hmanni ami let 100 vel khan a na dawn a ni a, kan ngaihtuahawmin ka hria a. Hemi ah hian kan zavaiin member zahawm takte hian ngaihtuahnah hmang ila tih hi ka’n sawi duh hrim hrim a.

Tin, district leh state level a statistical system siamthatna tura sum pek tur hi a lo lang a, hei hi a lawmawm in ka hria. Mizoram hian statistics dik hi kan nei thei lo emaw ni aw! tih tur a ni a. Tuna economics survey report lawmawm tak kan dawnah pawh khan Mizoram khua zat kha a thar kan hmu leh a. Ka sawisel hrim hrimna ni lo sela, kumina Manorama Year Book-ah kha chuan a dik chiahin census 2001 figure ang chiah khan Mizoramah khaw 707 leh town 22 a awm a rawn ti chiah a, a dik chiah in ka hria a. Amaherawhchu, Department thenkhat in khua 800 te kan nei thei tlat mai a ni; 770

leh tih te. Hei hi a dik lova, heta tana sum min rawn pe hi a lawmawm in ka hria. Statistics dik neih loh chuan ruahmanna dik hi a awm theilo niin ka hria.

(Speaker:- Ngawi rawh lawk aw Pu Mawite, V/C hi kan ngah khawp mai, khawpuiah pawh an awm zel mai a maw ! Statistics hi harsa deuh chu a ni. A V/C wise khan hemi kan Ration Card

kalphungte leh kan thil hi a kal ve tho a maw) thil buaithlak deuh deuh hi a awm a ni.

Power chungchang hi kan sawi leh duh a. Niminah khan member zahawm tak ten in dawng theuh in ka ring a, PEOA yearly, 'Kawlphetha' tih kha kan hmu a. Khata phek 63-na kha Pu Speaker, i phalna in kan chhiar lawk teh ang, sentence hnih emaw lek a ni. "Tunhma deuh a Ministry of Non-Conventional Energy Sources tih khan Hydel Project tenau mega watt 5 chin hi State tina a siam duh apiang tan subsidy a pe thin a. Chumi changchawi chuan khatih hunlai a kan State Ministry pawh khan chak takin hma a la a, tun ang dinhmun hi kan thleng thei a ni". Hei hi Power & Electricity Department a Officer Association te Annual Journal ami a ni a, a hrechiangte ziak a ni a. Pu Speaker, kan chhiar duhna kher chu tuna taka Congress Ministry anih avanga Power tlahniam ta em em ang a mawmbati han sem leh rih ang vel hi a zahthlak in ka hria a. Hydel Project leh Non-Conventional Energy chungchang hrim hrim, a dangah pawh eng angin nge kan sorkar lai in hma kan lak a, eng achievement nge kan neih tih sawi miah lova, achievement an neih loh leh lutuk avang zawka mawmbati sem ngai anih chuan zah awm tak zawk anih lai a, a semtu zawk a han tan hlauh te kha thil mak tak niin ka hria a, hetiang hi chu a hrechiangte nuih tizatu mai niin a lang. Kan Peak load requirement te pawh hi a lo sang ta a, mahse, North East atanga Central Sector Generating Unit pariat atanga kan power hmuh theih mega watt 70.56 hi a la sang chuang baw si lova.

Kum 2006 World Cup lai khan MNF Minister zahawm tak in kan luah a, World Cup lai a ni a "Big Screen in en ang", kan ti a, kan veng thalaite nen kan ri mup mup mai a, mahse, current an awm lova, ral lehlam atangte in an rawn au chuah chuah mai a, kan Minister hming lam in, "current kan duh", ti in! chutihlai 2006-ah chuan Aizawl khawpui ah hian mihring 276822 awm tura ngaih a ni a. Vawiin ni 2010-ah chuan 322987 awm tura ngaih a ni a.

Mihring hrim hrim hi kum 2006 World Cup lai atang ringawt pawha teh in 46165 in kan tam daih tawh a ni. Chuti anih chuan demand a tam ta em em a ni tih hi chian ngawih ngawih tur leh thil chiang sa niin ka hria a. Chuvang chuan engtin nge maw kum 10 kalta chung khan siam belh pakhatmah a awm baw si loh chuan kan han indaih thut ang le tih hi ka'n question let a. Hei hi chhutin tunah hian North East State-ah hian a che chhe ber kan la ni lo ta hi a lawmawm viau zawk lawm ni aw tih ngaihtuahna ah a awm a. Tunah hian kan Finance Minister Speech-ah hian Power Project lianpui pui khawih tur rawn tarlanna a awm hi lawmawm hle in ka hria a ni.

Tin, nimin lamah kan member zahawm tak Aizawl East-II bialtuin a rawn sawi ang khan thil tha kan duh tak tak anih chuan hmanhmawh chuk hi a tul ber lem lo a ni. 'Direct Cash Transfer' chungchangah te ngaihdan a in ang lova, India ramah Jagdish Bhagwati leh V.K Ramaswami tena an research ah kha chuan Direct Cash Transfer ang chi hi policy expensive lo ber a ni an ti. 'NLUP' kan tih ang chi, tanpuina pawisa inpek mai ang hi. Chuvang chuan tha kan ti a, party angin kan han zuan phawt a, kan

ngaihthlak tak ang khan tunah chuan sorkar policy a lo nit a. NLUP chungchang hi kan Finance Minister zahawm tak Speech-ah khan flagship programme, ( Pu Speaker, ka'n conclude lawk ange khawngaihin ) a ni tih a rawn tarlang hi, "highest priority" "ngaih pawimawh ber a la ni" tih a tawn tarlang hi lawmawm hlein ka hria. Kan GSDP te a sang a, kan per capita te a sang a, amaherawhchu, member thenkhat te sawi angin hei hi a inkhairual si lo a ni tih hi Mizoramah hian thil dik a la ni a.

Agriculture ah mi 60% dawn an thawk a. Chung mite chuan 14% pawh an la thawk chhuak zo silo. Chung mite khaichhuak tur chuan NLUP hi thil pawimawh a ni a. Member ten thil tha kan duh tak tak anih chuan sawiselna tur zawng ringawt loin party dangte pawh tang sela. Kei, kan bial lamah chuan khawtinah party dang an tam a, sawia mawilo pawh a ni lo anga. Congress mipuite pawh an lungawilo lek lek zawk a ni a. Chuvang chuan party dang danga kan MLA zahawm takte pawhin mahni party mite hma a, "Congress policy mai mai", ti a, khawimaw lama kawi liam pui tak mai mai ang kha thleng nawn tawh lo in, anmahni tan anih hria a, mipuite tan ani tih hria a, he programme hi tihlawhtling ngei tur a mahni party mipuite lo fuih sauh sauh turin ka'n ngen duh bawk a ni. Pu Speaker, ka lawm e.

**S P E A K E R** : Awle, hei kan pel ta viau a. Amaherawhchu, 2:00 PM-ah chuan kan tan leh tho ang a. Kan official-te hi, kan thu leh hla te taima takin min ngaihthlak sak turin kan beisei a. Office lamah tul, file hman hmawh thlak tak tak han deal tur te a awm erawh chuan an kal mai turah ka'n ngai a. Amaherawhchu, chutiang ni lem lote an nih chuan min ngai pawimawh a, kan memberten Department hrang hrang a an ngaih pawimawh an tih rik an beng ngei a an hriatpui pawh kan beisei hle a ni House hian. Chuvangin kan Minister te pawh in Department chan theuh a kan official te pawh session lai na na na hi chuan, engemawzat chu House thu haw lam leh kal lam hre tur a lo thut tir turin hma in lo lak theih chuan a lawmawm khawp ang.

Awle, kan chawl rih anga, dar 2:00 PM ah kan tan lehang. Sitting is adjourned.

## **2:00 PM**

**S P E A K E R** : Mithi vui tur pawimawh deuh deuh te an awm leh thin a. Minister, Pu Lalrinliana Sailo te, Pu B. Lalthlengliana te an kal chhuah a tul a, midang pawh chutiang deuh chu kan awm mai thei, Pu S. Hiato, Minister te pawh.

Kan sawiho kan chhonzawm ang a, mi paruk(6) in an sawi tawh a, tul vaklo kha chu 'ka ding ve hrim hrim' tih kher pawh kha a ngailo a ni a, pumptu vak a awm loh kha chuanin- tunge sawi dawn le-Pu R. Selthuama.

**Pu R. SELTHUAMA** : Pu Speaker, ka lawm e. Tuna kan Budget hi Budget special tak a ni a. Nang leh kan House Leader kaihhruaina ah huaisen takin Budget session a hun takah kan nei thei hi a lawmawm ka ti a. Vote on Account nilova Budget session pangngai ang a kan han kalpui thei hi a lawmawm ka ti khawp mai.

Nikumah khan October thla tawp lamah Budget session kan nei a. Thla thum/thla li emaw lek a vei hnuah R.E siam leh tho a ngai a ni. Chuvang chuan Plan final hnuah pawh niselangin Budget session tlai taka neih ai chuan final hma a hetia in han ti ngam hi in rem hria ka ti a, inchhuanawm ka ti. Chuvang chuan hei hi 'change' kan sawi thin, thil thar lawmawm tak, kalphung thar in rawn ti chhuak hi infakawm tih kha ka'n sawi hmasa duh a ni.

Tichuan, 13<sup>th</sup> Finance Commission in a pawisa min rawn pek, a hma aia 88.92-a a pung hi a lawmawm ka ti a. A punna zawng zawng hi 4,144 crores lai a ni a. Hetah hian i veilam ami te khan kan vuipui a che u te kha min han ti a, mi vui lo hi vuipui theih a ni maih lo. Lusun lo hi lu va sunpui theih pawh a ni lo. Chuvang chuan, kan vui lo, min vuipui tum tu te hi sap hovin 'Awle mittui tla' an tih ang hi a ni thei mai ang em aw! tih te hi ka lo ngaihtuah a. Ani chu ka ti chiaхло na in chungte chu ka rilruah alo lang a.

Tichuan, Finance Commission in a specific project a rawn tih a kha thillawmawm tak awm in ka hria a. Chu chu a bik takin ka bial chhungah Khatla a playground siam nan crore 2 an dah a. Hei hi ka hresual anih loh chuan 13<sup>th</sup> Finance Commission ho khan Khatla V/C te kha an kawm a. Mizoram V/C kalphung leh inrelbawl dante an hriat duh avangin an va kawm a. Chutah chuan anni khan dilna an lo siam ve a ni. "Kan vengah hian field kan lai tan ve a. Chuta tan chuan crore 1.50 (nuai 150) min pe rawh u" tiin pawisa an lo dil a ni. Tichuan, anni chuan tlem tham an ti deuh nge ni, crore 2 an lo pe ta a. Hei hi thil lawmawm tak a ni a. A dang zawng zawng kha a lawmawm vek nachungin ka bial bikah a dil tuten an dil aia tam an lo pe kha a lawmawm ka ti a. Tangkai taka an chhuah ngei ka beisei a ni.

Tin, chubakah chuan hei kan hria a Civil Secretariat Additional Building sak nan crore 20 an han dah te hi a tha a. Civil Secretariat te pawh sawlai ah kan han insawn na a, kan leng chuang lova, hetah te kan darh nuai mai a. Tin, chubakah chuan, sawlai hmunah, hmun tharah tha zawk deuhva kan sa thei ngai te anih chuan, mipui, a dawrtute tan pawh kal hran ngai lovin a tih theih dawn a, thil lawmawm a niin ka hria a.

Tin, salary chungchangah hian Sixth Pay Revision avanga hlawh tihpun tur hi kan sorkar hnathawk ten an nghakhlel a, kan nghah hlelhpuu theuh a, hemi atan pawisa engemaw zat dah te pawh hi a lawmawm ka ti a. Tin, hemi hian a lo daih ta lo anih pawhin Grant-in-aid atangte pawh a pek belh theih tih te pawh kan Finance Minister hian a rawn sawilang a, hengte hi a lawmawm khawp mai. Hemi hi rang taka implement anih ve theih nan kan Minister zahawm Pu Liansailova ho in committee an neih pawh khan rang deuhin han final thei sela tih hi ka'n ngenpuu duh a.

Tin, Mizoramah chuan hlawh hi kan ring tlang deuh vek a ni, sorkar hnathawk awm lohna ah pawh hian sum lakluhna dang kan neih hlawm loh avangin. Chuvang chuan sorkar hnathawk hlawh pungte hi a nghahhlel a awm a. Chutih rual chuan pensioner te pawh an hlawh a pung dawn a. Tin, chumai bakah chuan pension, voluntary pension scheme siam tum anih te pawh hi a tha a, hengte pawh hi thil lawmawm, thil thar, ngaihtuah chhuah thar a ni te pawh hi a tha a, lawmawm ka ti khawp mai.

Tin, chubakah chuan thil lawmawm tak mai ni a ka hriat chu revenue surplus crore 341.30 (all time high) a san ber tum ani tih hetah hianrawn tarlan a ni a, a lawmawm khawp mai a. Hetiang hian thil thar engemaw a bik nihna kan hauh tur hi Budget session apiang hian awm thei ta sela, kan ti tawh na mek mek, kan hotute hian tan han la hlawm sela, Budget session lehah pawh record thar, thil thar kan tih ang chi hirawn siam leh zel turin ka'n ngen tel duh che u a ni.

Tin, kan sawi fo thin, annual plan-ah hian chanchinbuah te kan hmuh kha a sualo anih chuan crore 1500 kan hmu dawn niawmin a lang a. 20% a pung a ni. Nikuma a punna kha 25% a ni a, a lawmawm hle in ka hria a. Central-ah kan pute ho an sorkar a, sorkar hmasa ah 17.25% vela a pun lai khan khatih laia Chief Minister zahawm tak khan 'hei hi mautam tam te a ni bawka, ti hian Central Sorkarin min tihpun sak a, hei hi kan tawngtai chhanna a ni' ti khan a sawi a. Chu aia tam zawk chu ti hian kan pute hian an zuk sawi chhuak leh mai a. Chuvang chuan hei hi a lawmawm hle in ka hria a. Tin, hemi plan ah hian kan sawi fo tawh thin, kan opposition lam pawhin a an sawi thin, NLUP hi a lo tel bawka. Hei hi a lawmawm hle in ka hria a. NLUP chungchangah hian tumah inpuh chhe tur kan awm lo. NLUP hmasa hunlai khan a hlawhtling lutuk lova. A chhan Chiang taka kan hriat pakhat chu khatih hunlaia opposition te khan a hlawhtling ang tih an hlau a ni. Chuvang chuan khatih hunlaia party pakhat ami kan pawlarawn inpe chuan "hei hi chu congress policy a nia tih hlawhtlin a ngailo, a pawisa in dawn tawh phawt chuan in duh duh ah hmang rawh u, tiin ka fuih a, an zawm khawp mai", a ti a. Chutianga kan infuih anih chuan kan mi leh sa te kha an hlawhtling dawn lo. Chuvang chuan tute pawh, helai House a member zawng zawng ka ngen duh chu NLUP a tanpuina dawngtute chu eng party pawh nisela hlawhtling taka an tih kha Mizoram tan leh anmahni tan a tha a. Chuvang chuan chuti zawnga infuih theih chu nisela a lawmawm hle in ka hria a. Thenkhat chuan i veilam amite hian 'NLUP hi in tlin chhan a ni' an ti a, a dik leh dik loh ka hre lova, ani ber chuan ka hre lova. MNF ruh tak pakhat chuan inthlana an han tlak khan, "A khai aw! mipui hian min lo va ning tawh em em ve, kan tual lai leng te hi min vawhlum lo chauh a lo nih tawh hi mawle", a ti an ti a. Chuvang chuan NLUP kan tlin chhan anih rual chuan tute emaw pawh kha mipuite khan an lo ning ve deuh te pawh a ni mai thei, chungte chu a niin ka ring a. Chuvang chuan tuna kan sorkar hi chu kum 10 pawh sorkar sela mipui nin loh tura tha taka thawk zel turin kan hotute hi ka'n ngen duh a.

Tin, chutihruah chuan NLUP ah token in nuai 50 chauh kuminah dah a ni a. Amaherawhchu, Special Package ang chiin kan hotu ten tunah hian an sawi mek a, arawn hmin mai dawnin kan hria a. Chuti anih pheichuan, nikum a plan a crore 100 dah a chumi let aia tam pawh chu kuminah hian alo hmin dawn niin kan hria a. Hengte anih hi chuan a lawmawm tak zet zet a. Annual Plan-ah in dah a, a dang in pawt a, chuvang chuan inti thei ani tih ang te kha a awm dawn lova.

Tin, Annual Plan pawisa eihek lova chutianga zat NLUP a kan han hmuthei tur te hi a ropui a. Mirethei, miharsa, thingtlang a mi sorkar puihna tel lova ding chhuak thei silo, hnathawh ve duh si, chung ang ho tan chuan NLUP han sem a, tanpuina dawn theih hun te hi an nghakhlel em em a, tlumtea thlirin an thlir a. Chung ang te chu reilote ah arawn thleng chho dawn niin ka hria a.

Tin, lawmawm leh a ka hriat chu Road and Bridges chungchang ah hei Sorkarin Communication tha a neih loh chuan thil tha tam tak a tih theih loh tih kan hria a, Congress sorkar hmasa khan World Bank-ah Aizawl-Lunglei via Thenzawl tih saw laih turin an ti a. Tichuan, sorkar a han inthlak a, tuna MNF sorkar hmasa khan an lo chhonzawm a, tha takin saw an rawn chhonzawm a. Hmanni khan kan member zahawm tak Pu Thangtea khan darkar 4-ah ka lo thleng pheih thei ati a. Chuti khawp chuan kawng saw a tha tawh a ni.

Amaherawhchu, chutah chuan sawi duh ka nei a, a tira original a an plan-ah kha chuan, 9130 vel a ni a, chu chu 31ft a zau a ni a. Chutiang anih chuan 24ft metal road tur a ni, Double road pangngai chiah nitur ani a. Chutiang ang ngat pheih chuan lai sela chuan darkar 4-a thlen theih kha darkar 3-ah an thleng dawn a ni.

Tin, Aizawl leh Lunglei hi chu kum 60 chuang kan ni ve tawh a, kan naupan tet atangin khawpui lianber leh a dawt tu an ni a. Kum 50 pawh lokal leh dawn sela, chutiang chu an ni reng dawn. Chuvang chuan kan ngen duh chu, kan hotute MNF sorkar hmasa khanin 24ft metal road a tih tur kha 18ft lek metal road-ah an ti a. Tunah a tira original a duangtute kha an Sorkar leh tawh bawh a, he kawngpui pawimawh tak hi 24ft tling thlapin han metal sela, tichuan darkar 3 lekah kan thleng thei dawn a. Mizoram hi kan pawt te hle dawn tihna a lo ni ang a. Chungte ang ti tur chuan ka duh a. Sawitur tam tak a awm ve a, chu chu ka sawi theih tawh ni mai se, ka lawm e.

**S P E A K E R** : Pu John Siamkunga.

**Pu JOHN SIAMKUNGA** : Pu Speaker, hei, Budget Discussion kan nei a. Budget hi a tha em, a thalo em tih kan discuss mek a ni a. Budget tha hi enge tehfungah kan hman ang a, sorkar tih hi engtianga kal tur nge, tih kan sawi mek a ni.

Sorkar thaah chuan mipui an hlim tur a ni a, sorkar thaah chuan mipui an thlamuang tur a ni. Chutiang bawkin Budget thaah chuan chu Budget chuan ram tan a hlawhtlinna tur kawng a rawn ti lang em? tih te kan teh chho mek a ni a. Tin, chu Budget-ah chuan mipuite chanvo leh mipuite ta tur eng ang chiahin nge lo lang tih te, engtiang angin nge sorkarin ram hruai a tum tih kha kan teh chho mek a ni.

Hei, waviinah kan Budget kal dan tur te kan sawi mekah hian mi tam tak ten tha tak takin an sawi tawh a. Amaherawhchu, kan la hriat thiam loh tlem tlem awmin a lang a. Chungah chuan, “mirethei kan VIP”, tih te sawi lar viau a ni tawh a. Chanhai mangang, sum lu pawh nei lova an hnathawh tur ang pawh thawk thei tawh lo chhanchhuah chu kan tum avangin, chungte chu kan VIP te an ni, ka’n ti a ni. Chuvangin, hetiang mirethei si mahse, hna thawk peih lo, vak vak satliah ang chi te kha chu an nil ova, tin, kan tehna ah hian rethei kan han tih hian wawiinni a dinhmun tlu laklawh, dawm chhuah ngai, chhawmchhuah tul te hi anni tih hi kan hriatfiah a tul a. Chuti ni lova sorkar protocol ang zia zawnga tlem a neilo deuh leh chenbeh deuh te in VIP anni si a, ti a kan tawngfo hi chu tehna diklo VIP protocol ang kan teh chuan thil diklo tak ani dawn ani tih kha kan hriatfiah a tul dawn a, he tawngkam “mirethei te kan VIP” kan tih hi kan budget-ah hian a langchiang a. Chu chuan a rawn tum chu



Department pariat laiin kan VIP te tana hmalakna tur an chhawpna lo lang hi a ni. Chuchiah chu a ni kan VIP te tana hmalakna lo lang ta chu. Chutiang chuan hmalak kan tum a ni.

A hmasa berah chuan NLUP hmangin khaichhuah kan tum a. NLUP hi a thlan thu ah tam takin kan sawi tawh a, “A party ang zawngin in kal /in thlang” an ti a, “hetiang anga inthlan chuan chutiang/khatieng ani ang” an ti thin. Amaherawhchu, keini chuan kum kha leh chen he policy a lo tui tawh, hlawhtlinpui ngei ngei tum, he hun lo thlen hun tur theih tawp a lo nghak thin te kha, heng mite hi entawn turin kal hmasa sela, entawntlak in thawk phawt sela, midang hian heng mite hi zui sela, tichuan awmzia a awm ang kan ti a. A thlan hmasak turte pawh hi kan hotuten thiam takin an rawt mai zawk a ni, hleih neihna a awm lo. Chuvangin, he policy a tui tawh, hre tawh, hlawhtlinpui te kha an hmasa dawn tihna ani mai a ni. Tin, hei hi enge a tulna kan tih chuan kan sawifo tawh thin angin intlansiakna zau takah hian khawi hnam mah hi a biru thei tawh lo a ni, a telve zel a ngai tawh. Chuvangin Globalization kan ti a, he globalize kan tih khawvel pum inpawh tak taka changkanna in min sep suau suau naah hian Zoram mipuite hi kan bang bik dawn lo, kan tel ve dawn. Multi-Model Transport te saw a tlang hunah chuan tuifinriat atangin tui a lo khawh lut anga, lawng lian pui pui a lo la lut dawn a ni, Look East Policy te hi a la hlawhtlin hunah chuan.

Tin, chu mai ni lovin Natural Resources, leilung hausakna kan hai chhuah hunah chuan Mizo te hi a bik in kan awm dawn lo, chhak atang te, chhim atang te, hmar atang te in an lo la lut dawn a ni. Chutih hunah chuan Mizo mipuite hi kan ram chhung ngei a chhiahlawh mai mai a kan tan lohna turin waviinah hian dinhmun i siam ang u tiin, NLUP hmang hian hma kan la a ni.

Khawchhak kan u leh nau Thai te, Korean nula tlangvalte nen hian kan la chen ho ni a thleng dawn a ni. Chung hunah chuan ang khata kan in dawr theih nan ‘hawh u, kan dinhmun hi ilo siam lawk ang u. Chuti anih loh chuan kan ram chhung ngeiah hian chhiahlawh in kan la awm dawn si a’ ti in uluk takin he New Land used Policy hi Sorkarin a lalpuia. A kalpuina tur ah mit tlung lo lai te a siam thain a kal zel a, helai ah hian khawilai hmun atangte emaw in rawtna te a lo lut thin a.

Rawtna hi kan sawm lem loh chuan kan mamawh lem lova, kan kal dan tur te kan hria a, kan kalna tur kawng pawh ka hria a ni. Chumi anih avang chuan helaiyah hi chuan theih tawp chhuahin sorkar hi a kal dawn a, mitethei te chawikangin, an dinhmun te siamin, ramthar siam sak kan tum a ni.

Amaherawhchu, kan unau ten tunhma a min lo tih sak tawh thin angin ‘sum hi dawng ula, in duh duh ah hmang rawh u, a thlawna in dawn chu a thlawnin in hmang thei alawm’ ti a, NLUP kan tih hmasak a an campaign thin ang kha chuan ti tawh loh a duhawm khawp mai. Chumi anih loh chuan Mizo te hi retheihna hmunah kan pil dawn a ni. Tin, hei kan budget ah hian chhiah thar lakna a awm lova. Amaherawhchu, tax thawhchhuahna tur lam alang nasa thung a ni. Mipui hmakhua thui tak a kawka, mipuite phurrit siam lova kan chhiah lak lai mek te siam tha a, sum tam zawk lak luh tumna sorkarin a nei tih alang a ni. Budget tha tak a ni tih chu khangah khan a chiang a. Engatinge kan tih chuan VAT lak dante kan ennawn dawn a, tin, Goods & Services tax te kan la dawn a, kan la ti chho zel dawn a. Chumai nilovin Land & Revenue lam atanga chhiah lak dan turte siam that ani dawn a. Tin, Stamps & Registration atang te in chhiah

tam tak kan la lut thei dawn a, State Excise atangin sum tam tak kan lak theihna tur kawng kan dap bawk a ni. Chutiang chuan intodelhna kawng zawhin he Budget hi akal dawn a ni tih kan Budget Speech-ah pawh khan a lang a ni. Chu chuan enge a tum kan tih chuan ram intodelh zawngin he sorkar hi a kal mek a, a budget pharhah pawh hian chu chu a lang ani tih a chiang a ni. Helai Department-ah sum in dah tlem, helai in dah tam, a inbuk tawk lo tih kha Budget tha leh tha lo tehna ani lo. A kalkawng tur duanna lo langa hi a pawimawh lai chu ani zawk thin a ni.

Tin, hei tunah phei chuan receipt budget hi a hmasa ber atan siam tum ani a. Hetah hian keimahni own resource atangin sum tam tak kan thawhchhuah theihna atana hmalak tur a ni a. Revenue-collection lamah hma nasa zuala kan lak a ngai dawn a, Department pawh an tan viau a ngai ang. Tin, Department hnuai organization hrang hrang pawh an tan viau a ngai dawn. Khatiang khan sorkar hian sum hi awmze neiin a tuak a, intodelh a kal a tum a ni tih a lang chiang viauin a hriat a ni.

Tin, thildang leh pakhatat chuan Health Care chungchang hi ram changkang chuan an ngai pawimawh a, keini pawhin kan ngai pawimawh. Amaherawhchu, tuna bahlahna awm hi pawh kan ti tak zet a, sorkar sum ni si, mimal hmingte khan lo dah lo ta sela helai khaih lak hi a awm lo tur. Kan tih loh tur kan tih avangin mirethei in an tuara a pawh tak meuh meuh in ka hria.

Tin, upgradation of Aizawl Civil Hospital-ah khan nuai 16.5 kha hmuh ani a, hmannah kan member zahawm tak khan 'hei a bo ka hmu tawh e', a ti a. Tlem han sawi ka duh a, tin, mimal inbeihna angte khan an sawi a, Pu Speaker, i phalna in helai chanchinbu ami hi tawi te kan chhiar chhuak lawk thei ang em?

Hei, The Zoram Times-ah hian February ni 11,2010-ah hian kan Minister chuan heti hian a sawi a. "Central hian a tusual palh nge he pawisa hi a bo tih Central-ah kan zawt chiang mek ani". a ti chauh ani. Mimal hming hi a sawi lova, Print Media te, Visual-ah te pawh khan fimkhur takin a sawi a. Mimal tumah a bei lova. Ram hma ngaiin a sawi ani tih kha kan hriat a ngai a. Tin, 9.9.2009 khan 'crore 16.5 hi kan rawn sanction e' an ti a. Chumi chu a hnuah an zawt a, an rawn chhang leh a. Ni 29 September-ah an rawn chhang ani. Chumi ah chuan 'crore 16.5 ni lovin crore 10 ani' an rawn ti ani. Crore 6.5 kha chu ala awm ta a. NI 25.11.09-ah khan lehkha a rawn thleng leh a, chutah chuan 'crore 6 leh a chanve chu approval tawh a ni a, thawn turin peih a ni' an ti ani. An rawn thawn erawh chu sawi a awm lo. Khawilai ah nge khami bo kha hmuh tawh nge hmuh loh tih kha a la chiang lo ani. Khatiang kha thil kaldan a ni a.

Thildang leh ah chuan Judicial lampangah hian mirethei hmangai zawngin he budget hi a kal a. He sorkar hian mirethei te hmakhua ngaiin thil a ti mek zel tih a lanna chu family court hi a ni. Court a kal hi thil harsa tak a ni. Thubuui kan neih chuan kan mangang a, kan thinlung a zam thin a, hmun hla a kal tur phei chuan buaithlak a tling thin. Mahse, family courts te hi Champhai ah te, Lunglei ah te khatiang khan hmun hrang hrang ah, Kolasib ah te din a lo ni dawn ta a. Hei hian mipuih awlsamna nasa tak a thlen dawn a. Tin Gram Nyalaya, hemi court hi Village court an ti a, hmun 15 laiah din tum ani bawk a. Hei hian mirethei te tan awlsamna tam tak a thlen dawn bawk a ni.

Tin, Law & Order chungchangah, kan ramah hian he sorkar hi a thawk tha hle a. Hemi avang hian muanna a awm a, mite kan thlamuang a ni. Kan thlamuan avangin Tourists ho pawh an lo lut ve viau a, ramchung bik atang pawhin Tourists an lo lut hnem ve viau tawh a ni. Tin, Foreigners pawh 300 chuang an lo lut tawh a. Heta tang hian sum tam tak kan thawk chhuak a ni. Tourism Industry atanga kan sum thawhchhuah pawh hi tam tham tak a tling tawh a, hei hian ram ralmuang kan nih avanga he thil hi thleng anih zia a ti chiang hle a ni.

Tin, Electric & Power-ah hian, kan thawkchhuak ve viau a, Tuiruang, kau, Maicham, Teirei tih te hi kan lo thawk tawh thin a. Sorkar tawh zawng zawngah chuan Congress sorkar hi Power siam chhuak hmen ber a ni. Ram a changkang zel a, khawvel ramdang nen angkhata kal tur chuan Power kan neih tam a ngai tiin sorkar hmasa hluihlawn tawh Tuirial Hydel Project mega watt 60 pe chhuak thei thar thawh mek a ni a, chutiang bawkin Kolodyne Hydel Project mega watt 460 pechhuak thei, Tuival mega watt 210, a vaiin mega watt 720. Chuta tanga a thlawn a kan chhit tur chu mega watt 100 chuang a ni.

Khatiang khan he sorkar hian mipui hma ngaiin hma a la a. theihtawp a chhuah a, chutiang chuan mirethei hrut zawngin he Budget hi a kalin, ram tan hnathawh tumin a rawn chhep chhuak a ni tih kha ka rawn sawi duh a ni. Ka lawm e.

**S P E A K E R** : Ninimah khan 12 in an sawi a, vawiinah 8 min. 20 in kan sawi a. Kan Deputy Speaker hian sawi duh a nei em ka ti a, mahse, a sawi duh dawn lo a ni awm e. Tul deuh riau mai sawi chak deuh riau kan awm em? E, Pu Piana a phar va mai. Pu Piana'n sawi leh phawt rawh se.

**Pu R.L PIANMAWIA** : Pu Speaker, ka lawm e. Hei, Budget puitling tun tumah pass theih turin kan Finance Minister in a han buatsaih thei hi lawmawm hle in ka hria a. Tun tum kan Budget sawihona ah hian ka veilama mite hi thil awmzia hrilh chian deuh ngai te an awm em maw ni aw? ka ti a. An tarmit te pawh hi kan thlak sak deuh te pawh a ngai em maw ni aw? ka ti a ni. Hetia dinglama kan thuta, kan tlin chhan kha NLUP tih te kha an rawn sawi dan a nia. Roreltute chu Pathian ruat an ni tih lampang kha chu an hre ta lo hle mai a. Chuvangin Kristian rama kan hotu zahawm tak tak te khan khatiang lampang kha chu ngaihtuahna tharin ka sawi hi pawm zawk se thain ka hria a. Sawrkar kal ta kha engvangin nge thlak a nih? tih kha chhut a ngaiin ka hria a. An hunchhungah khan kan rawngbawltu pawimawh tak Pastor mahnia in that angin kha sorkar khan tih lar a ni a. Chutiang ni ve lo tur chuan keini hi Pathianin min hum se ka duh khawp mai, kan sorkar chung hian. Chuvang chuan Mizoram mipuite manganna nasa tak avangin Pathianin hmanrua hrang hrang a hmang a. MPF, a hmanraw bulpui ber a ni a. Tichuan, thlarau miten tawngtaina nasa tak an nei a. Ni 40 tehmeuh chung tawngtaina in khaidiat an nei a ni a, chawl miah lovin. Chuvang chuan an tawngtaina rah kha helama dinglama mite leh veilama mite pawh hi kan ni vek a ni. Chuvangin vawiinni a dinglam a thu te tlinna chhan hi NLUP a ni lo tih kha lo hria se tha in ka hria a. Chu chu ringtute kan nih tlan avangin han in hrilh pawh kha a ngamawm thoin ka hria a.

Tin, he sorkarah hian NLUP hi kan flagship programme a ni tih hi min hriatpui ta hle in ka hria a, lawmawm ka ti a. Lawm luh ve maite pawh hi a chakawmin ka hria an thil han tih dan ki atang hi chuan. Tuna thlan tur chungchangah te pawh an rilru a helhna chhan ni bera ka hriat chu an mi leh sa te tel lo tura an ngaihna hi niin ka hria a. An tel lo ang chu, chu chu an pawm tur a ni. Kum 10 chhung an sorkar a, a theih zawng zawngin an invulh a, ka bial chhungah pawh an sorkar atanga kar khatah PHE muster roll-te kar khat chhungin an thlak vek hman a. Retailer pawh karkhat chhungin an thlak vek hman a. Khatianga an mi leh sa te siamna kawnga thahnem ngai taka an lo pen avangin an mi leh sa te pawh an intodelh thawkhat ang tih a rinawm kum 10 chhung chuan- kar khat chhunga an thil tih te han thlir khan. Chuvang chuan kum 10 awm tawh, a member tam ber Party-ah chuan Congress Party-a mite kha NLUP thlan turah hi chuan a dawng tam tur chu an ni tlat mai a ni. Chuvang chuan khami han thik leh hnuhnawh kha chu thil inhmeh lo tak pawh niin ka hria. Chuvangin a dawng tur thlan chungchangah pawh Congress mi leh sa ina an lo dawng tam deuh anih pawhin, tan an lo la deuh anih pawhin thil dik leh thil kawng zawh tur ngei ngei a ni tih kha ka hriattir duh a.

Tin, wawiinah kan sorkarin ruahmanna he budget-a a siam mai theihna pawh hi ruahmanna fel, he sorkar a din tantirh atangin a hma ami fello tam tak ching felin, pawisa hmuh leh hman chungchangah fimkhur taka a tih chhoh avangin lawmman pawh dawng tlakah min ngai a ni ang tih kha a rinawm a. 13<sup>th</sup> Finance Commission in lawmman a han pe ngawt mai kha keimahni dinhmun ngaihtuah chuan phu pawh kan in ti hranpa lova. Amaherawhchu, he sorkar thara kan Finance Minister leh kan sorkar a thawktu hrang hrang ten theihtawp chhuaha hma an lakna avangin kalphung fel, inrem fel chho a kan kal avang hian lawmman dawng tlakah min ngaia, chuvangin lawmman pawh min pe a ni a. A serial number lamah kha chuan sawmpasarihna lai ni mah ila, lawmman dawnglo ai kha chuan lawmman dawng kha chu a ropui hrim hrimin ka hria a, kan lawmman hmuh tur te pawh kha a tam tham viau a. Chuvangin, he sorkar thara kan budget kan pharh a hi a ropuiin a lawmawm hrim hrim a ni tih kha kan sawi duh a.

Tin, Health Care chungchang te kha kan han sawi thin a, inthlan dawn hnaih tep a mipuite hmangai ni awm taka han tih a kha- ka tehkhin ber chu damdawi pawn thlum a ni a, damdawi pawn thlum a chhung han ei tak tak dawn a kha si a ni. Chuvangin, damdawi pawnthlum anga khatianga an han inlan tira kha a paw hle a. Mipuite beiseina min siam a, mahse, han tih tak tak dawn, han chhui chian a lo kha hle si kha alo ni a. Chuvangin ti tak tak duh ni sela chuanin a pung awm tur te pawh kha thahnem ngaia mipui tana an ti anih chuan, chhungkua khan a dah te pawh kha dah lemlo sela, sorkar khan dah mai sela a pung awm turte pawh kha, a hlawkna te pawh kha sorkarin tel mai sela a thain ka hria a. Tin, kan sorkarin Health Department a hma a lakna chungchangah pawh Aizawl South bialtu Pu K.L Liantlinga khan a Minister hmasa hming hmerh a, 'khatianga intih mualpho tumna ang chi kha', tia a sawi te pawh kha, kan Health Minister zahawm tak khan a sawi lo a ni tih a chiang si a. Chuvangin, dawt sawi tura kan inpuh hi a tha lova. Dawt a sawi lo a ni tih kha kan Health Minister kha a chiangin ka hria a. A sawilo ngei a ni tih kha tang ngam a, a dawt sawi zawk zawk kha finfiahna awm sela bang mai ila a tha mai lawmni tih te pawh kha karawn rawt a. Kei chu dawt a sawi lo a ni tih kha ka tanna a ni a, ka tannaah khan ka tang ngam a ni tih kha ka'n sawi duh a. Kan Minister-te pawhin mawi tak leh tha taka sorkar kalphung anga, nu leh pa anga an auchhuahpui laia mimal intihmualpho tum tih ang zawng sawi kha a tha lovin

ka hria a, a pawl ka ti a. Tiang kha chu rorelna inah, kan Zoram mipuite hriatah hian dawt thuthang hi chu sawi lo ila, a thain ka hria.

Tin, kan MNF unaute zawk atang hian kan Health Minister kal ta kha tihmualpho tumna lian tak hi a inphum em ni tih theih khawpin anmahni atang hian an tawngkauchheh ah hian a lo lang thin a, kan lo puibawm vak lo zawk a, min dem mai thei a. Amaherawhchu, kan kalphung a ni hranpa lo ani tih erawh kha chu ka'n sawi lang tel duh a.

Tin, kan Education Minister ni tawh leh ni mek te pawh an awm a. Anni hi an fakawm dun hlein ka hria a. Kan zirna kawngah hma a lo lak tawhnaah leh lak mek naah lawmawm hlein ka hria a. Amaherawhchu, sorkar kal taah khan tuna-Tuivawl bial chhungah khian Tinghmun khua ang te chu School naupangte'n thuthleng inken chawpin YMA President ka nih laia ka va tlawh khan ka va en a, ka va hmu a. Khatiang khan mirethei VIP-a an dah loh avangin sawlaia hmuhphak maiah khan khatiang khan an lo ti a. An hmuhphak chinah chuan thuthleng kha pek sen loh in an dah rem rum mai a ni. Tunah erawh chuan, tun sorkar tharah khan Education Minister kaihhraina in Zokhawthiangah te pawh zirtirtu an awm vek tawh mai a ni, in 30 awmna ah te pawh khian. Tin, Tinghmunah te phei chuan tunah ruahmanna ang phei chuan khawpui mite pawhina an awh tur khawp school dinna tur, school hmun te pawh ruahmanna siamsak ani, a lawmawm hle in ka hria.

Tin, Hindi teacher chungchangah te pawh sorkar kalta ah te khan, Pu Speaker, min lo hrethiam lawk la, a tawp ber tur ka ni bawk a, Hindi teacher chungchangah te pawh sanction an pek hma a lo lak, an hlawh tur ngaihtuah leh siloh an awm a. Fund pek thar te chu lak leh a khatianga an hma a mite tih thuanawpa khawngaih thlak taka an awmna chhan te pawh kha an fimkhur tawk loh vang anih a rinawm. Tun sorkarah chuan kan Education Minister thar in Central in a rawn pek ang thlap la turin an in puahchah thei a, hengte avang pawh hian miretheite dinhmun hre tak taka nu leh pa dinhmuna ding hnathawktu tunah chuan kan nei ani tih hi ka'n sawi chiang duh a. Tin, zirtirtu lak chungchangah pawh sanction fel tak, mumal taka tih a ni a, mumal lo taka tih a mi tih lawm tum ai chuan mumal taka tih a mi tih lawm hi a tha a ni tih kha kan sawi lang tel duh bawk a.

Tin, Aizawl West bialtu Pu Lalduhawma kha a awm ta lova, hmanni khan Sakawrdai P.H.E Department in tui connection an pek, sorkar thar anih avanga an tih tawp sak leh mai chungchang kha a rawn tarlang a kan hriatchian tir a tha in ka hria. Khatih laia section officer (P.H.E) Sakawrdai a awm chu P.H.E Minister hmasa chhungte in ti deuh mai a ni a, E.E, S.D.O te pawhin an ngam loh ani a, connection fee atan pawisa tam tak a la a. Pu Speaker, kan tarlang lawk ang a. Rs. 1,36,000/- hi tui connection tihna atan mipuih a la a. Chu chu sorkarah thehltu lovin connection a pe tho a, khatih lai hunah khan P.H.E Minister kha a in tih chhun em avang khan an sawisel ngam si lova. Chuvangin tun sorkar tharah hian khatiang thil dik lo kha kan hriat veleh Department in hma a la a. Chu chu tun hunah hian kha mihring kha transfer ni tawhin, a hlawh atangin thla tin Rs.6000/- cut sak a ni a. Chumi cut khawl khawm ina a daih hunah connection kha a pangngaiin, kha pawisa an lo pek tawh a kha, sorkarah dan anga deposit in, connection pangngai khan pek tum a ni a. Kha kha dik lo taka sorkar thar ina

a tih ni lovin, dik taka tih a tumna avang zawka thil kal a ni tih kha ka'n sawilang tel duh baw a.

Tin, Pu Speaker, kan sorkar hi tuna a kalphung mai bakah pawh budget-ah khan keini ang bial rethei te pawh thleng phakin budget a rawn siam ta zel hi a lawmawm hle in ka hria a. Nasa takin hma kan sawn dawn tih pawh kan hre ve a. Education lamahte leh damdawiin lamah te, kawng hrang hrangin kan budget-ah khan a lang a. Vety Department-ah te pawh thawktute awmna turte lamin sum harsatna karah ruahman sak kan han ni hi a lawmawm kan ti tak meuh meuh a. Mirethei VIP a dahtu chuan bial rethei atangin a rawn tan a. A hmawr tawp atangin a tan a ni tih kha ka'n sawi duh a, a lawmawm em a ni. Hun min pek avangin Pu Speaker, ka lawm e.

**S P E A K E R** : Ti khanin, mi 21 kan participate ta a. Zawhna kan tuipui hle a. Kan sawihona kan lo duh tawh dawn tawh ang a, kan House Leader Pu Lal Thanhawla, Finance changtu chu kan hriat ang khan Delhi lamah ram pawimawh sawiin a thang a. Kan hriat tawh ang khan kan Annual Plan te pawh fixed a ni a. Annual Plan-ah khan crore 1500 fix niin kan hria a, Tin, NLUP lamte pawh kha hlawhtlinna, hmawrbawka mipui hma a announcement siam theih tep ni tawh in kan hria a. A thang bo na a, thangbo dan tha a ni a, kan tan hmun siama kal ang deuh kha a ni a, a lawmawm lam a ni a, chuvangin a aiawh tura a ruat Pu R. Lalzirliana'n tunah min hova, ani kha a authorized a, ani hian kan han sawihona kha a theih ang ang rawn wind-up sela a tha awm e. Tunah i lo ko ang.

**Pu R. LALZIRLIANA, MINISTER** : Pu Speaker, vawiinah hian kan member zahawm tak tak pakua in an sawi a, nimin lamah khan sawm pahnihin an sawi tawh a, a ngaihnawm khawp in ka hria a. Ka sawi hmasak duh chu kum engemaw chen helaiah hian budget session te'n kan lo thu ve tawh a, chutihlai chuan General discussion Finance lamah kan han wind-up ang tih hi ngaihtuahna ka nei ngailo reng reng a. Chuvangin vawiinah pawh member-te duh ang ka tling lo ang tih ka ring a. Finance Minister leh midang Department, kan han hawl telte pawh kha kan rawn chhang tha theilo anih pawhin nakinah Demand sawi hunah khan ala sawi theih tho va, chutah chuan chiang zawkin kan member zahawm tak te'n kan la raise leh turah kan ngai a, chung chu dawhtheih taka lo nghak turin kan in beisei a ni.

Hei vawiinah hian member dang dang te hming mal mal chuan kan sawi theilo ang a, react tur awm ang te kan theih ang angin kan han ti ang a. Tin, chumi hmawm Beraw Tlaga Tourism Conference Hall kha a kang vek mai a tunah sawn an thelh mit chauh a ni. Hei, kan Minister pawh a tlan phei ve a, min rawn phone a, 'thelh chu an thelh mit tawh a. Amaherawhchu, thelh mih hma khan a lo kang chhe vek hman a, a uihawm khawp mai', a ti a, a uihawm khawp mai.

Nichinah khan kan ngaihla a, PMGSY chungchang kha R.D Ministry atanga kan hmuh a ni a, P.W.D-in an enkawl a, kha an enkawl na sum kha Bank in cheque an han issue pawhin Bank lamah draw tur a awm lo tih kha thudik a ni a, a pawh khawp mai a. Hei hi October, 2009 tawh khan vaibelchhe 155 sanctioned daih tawh a ni a, chungah chuan pawisa release dil a ni a. Chutah chuan crore 10 (sawm) emaw chauh

tunah hian an la rawn released a, a bak crore 145 vel kha release lohin a awm a. Heng hi development kalphung, kal tuang pangngai tithuanawp tham anih avangin sorkarin ngaih pawimawh hle turah kan han ngai a. Tuna kan hotupa Delhi-a awm pawh nichinah khan sms-in ka zu thawn a, a rawn ngaihven turah kan han beisei leh deuh a ni.

Tin, hei NLUP chungchang hi member ten kan sawi nasa khawp mai a. A bikin dinglama thute hi chuan Pu Speaker, lawmthu an sawi a, lehlama mi hi chuan lawm loh thu deuh, i veilama awm te hi chuan, 'in ti har tawh em mai', tih lam a ni a. A eng ve ve pawh kha a pawm theih viauin ka hria a. Kan tlin veleh a ti thei tur ang a beiseina min nei kha a ropui ka ti a. Kan hotupa Pu Lal Thanhawla chakzia an hria a, ani hi chuan 'ka ti ang' a tih chu a ti mai thin a. Chuvangin ti leh mai turah min beiseipui a ni. Kan hotupa min rinpui avangin lawmthu kan hrih a. Chutiang anih rual chuan tuna kan han sawi tam berah khan kan party mite thlan ve loh tur ang deuha zu ngaihna kha a awm a. Amaherawhchu, thil chiang taka kan ngaihtuah duh chuan opposition lam, tunhma kum 10 kal ta daih a kan lo sem tawh khan tumah thliar lovin kan hotu ten an sem a, an vaihma a, an semna block-ah te kha chuan chungah chuan opposition, Congress ni ve lo kha an lo tawng duh deuh thin a, 'Congress nih pawh a ngailo, hei kan dawng thova' an ti a. Chutiang anih rualin mi thenkhat ten hmang tha duh lo turin an lo fuih ve bawk a. Chutiang ang hlawhtlin lohna kha kan tawng le hang tih hi kan hotute'n an hlah ber a ni. Chuvangin, Party Policy a ni a, chu party policy-ah chuan sorkar kan lo nih takah chuan sorkar policy a lo ni chho zel a. Hengah hian tumah hleih neihna awm chuang lovin, amaherawhchu, kha party policy sorkarin a rawn chham zel tih hlawhtlin tum lo tute erawh chu thlan leh sorkarin a hlau em em tawh a ni. Chuvangin thahnemngai tak a ti a retheihna a ta khai chhuah an nih theihna tur atan a theih taawp chhuah tu te chu tute pawh ni selangin kan hotute hian an tal turah an ngai a ni. Sorkarin tel torah a ngai a ni tih kha kan sawi dan thin a ni a.

Tin, NLUP sum hman zelna hi nakinah detail in kan la rawn sawi chho zel ang a. Heng hi kum kal ta 2009-2010 ah khan 10000 lakh dah a ni a. Amaherawhchu, a thlan chungchangah khan kum sawm zet mai rethei taka he ramah hian thingtlang mite, khawpui mite pawh lo awm tawh kan ni a. Chutah chuan awlsam deuh zawka thiltihtheih dan te ngaihtuahin ar leh vawk vulh tih ang chi te, mahni in luma tih theih mai ang chi ang kha tam tak, za-a 60/70 dawn lain an rawn thlan tak siah kha chuan, khatiang ang a trade an thlan kha dikan sorkarin a hre lova. Khatiang kha han tih tir in cheng vaibelchhe 100 dah pawh kha han sem tehreng pawh niselangin thla ruk hnuah chuan ar vulhtute chuan i ar nge thau ka ar tiin an inbuk tawn vel mai mai ang a. Khawiah mah hralhna an hre si lovang a.

Tin, chutiangin vawk vulhtute pawhin I vawk nge sum tam ka vawk hi an ti ang a. Kan chhawrna ber turah chuan a ram pumah vawksa rate a tlahniam ang a. Chutiang ang chu NLUP in a tum kha a ni hran lova. Kan economy chawisan a, retheite an retheihna khur ah te nuamsa deuh va an awm ve theihna tur atan a he NLUP hi buatsaih anih avangin khatiang Trade thlangtute pawh khan an thlan that leh theih nan hun ruat alo ni ta a ni tih kha ka han sawi duh a.

Tin, NREGS inhlawhna Serchhip lamah te, eng eng emaw sum leh pai kal bo ta anga han sawina, diklo taka hman awm nia hriatna te kha a awm a. Hengte hi diklo taka hman tur a nil ova. Chuvangin member ten hetiang diklo taka hmanna NREGS ah, anih

loh pawhin thil dangah pawh in rawn sawi thin hi kan welcome em em a, tha kan ti a. Hengte pawh hi a tul angin kan lo bawhzui zel dawn a ni tih kan sawi duh a.

Tin, Food & Civil Supply Department-ah Kerosine oil te leh buhfai te a harsat tehlul nen State dangah kan chan tur lo phurh chhuah a awm anih chuan hengte hi chhui loh in a awm hauh lo ang tih ka sawi duh a ni. Chutiang chuan thil tam tak sawi tur a awm thei awm e.

Nimin lam atangin member thenkhat ten sorkar sum hman chak theih loh chungchangah Finance Department leh Planning Department te, Planning Board te enfiah a tul thu an rawn sawi a. Hei hi thudik tak a ni a, heng hi theihtawp kan lo chhuah ang a. Kuminah hi chuan 2009-2010 bikah hi chuan harsatna kan tawhna chhan hi chu Annual Plan final hi a awm har a, in hria a. Tum hnin lai vote on Account in kan kal a. Chumi avang chuan October lamah emaw daih khan kan peih tawh a ni a. Chutiangah chuan thil tih a lo harsa thin a. Sorkar pawhin chak zawkin hmalak a tum a ni tih kha ka sawi duh a.

Tin, Planning & Programme Implementation ah supervision leh monitoring chungchang hi a tha tawh lo a ni tih sawi te pawh nimin lamah te a awm a. Heng hi a dik khawp mai a, hei hi thil pawimawh tak a ni a. Sorkarin nasa zawka hmalak chhoh zel a tumna lai tak pawh a ni a.

Tin, Department thenkhat ten inrawna leh thawh hona tha tawh a awm loh vanga hmasawna thenkhatin a tawh thu te in rawn sawi a, hengte hi sorkarin a ngaihven hle a ni. Chuvang chuan Plan leh Scheme activities-te mumal leh tangkai zawka tangho turin convergence kalpui zel a tum a. Hemi kalpui kawng khat ADB tanpuina structural adjustment loan hnuaih hian Government advisers te, monitoring leh evaluation te hi tihpui turin programme component pakhatah dah a ni a. Hetianga kalpui anih chuan hmasawna a ni thei ngei turah kan ngai a ni.

Tin, School Education-ah chuan abik takin tunhmain inspection-te a awm thin a, tunah chuan inspection te a awm ngai tawh lova, hnathawktu hi kan tul tulh tulh emaw tih mai turin, sorkarin hmasawn zel turin a ngai pawimawh em em a ni. Tun hnuah chuan inspection te a awm leh theihna tur in tan nasa takin a la nghe nghe a ni.

Tin, member thenkhat te khan salary provision punna ruahman hi 10% chauh anih avangin sorkarin Pay Revision hi a tum tak tak lo ani ang a? tia ngaihtuahna te a rawn awm a. 2009-2010 ah khan sixth pay atana senso tur hi 2008-2009 atang khan a lo dah tan tawh a. 24% lai a dah nghe nghe a ni. Amaherawhchu, he sixth pay revision hi tun Financial Year-ah hian kan hman hman tak loh avangin hei hi kan tilo mai a ni a. Chung kan hman hman loh a pawh chu appropriation tih a thildanga hman a phal lova, ala dah chhawm chho zel a ni tih kha kan hria a. Chuvangin 2009-2010 atanga chhut a 2010-2011 ah hian salary provision ah 10% a dah leh a, hetiang anih phei chuan harsatna he sixth pay revision pawh hi lo implement pawh ni ila kan tawn kan ring lo a ni, tawnglo turin kan in beisei a ni.



Tichuan performance chungchangah MLA thenkhat ten training neih te rawtin kan hria a, lawmawm kan ti khawp mai a, hmalam panna tur atan a, MLA zahawm tak ten thahnem in ngaih zia a lo lang chiang in kan hria a. Tuna ADB tanpuina hmanga Structural Adjustment Loan sorkarin a kalpui mek ah pawh hian Expenditure management lama hmasawwna hrang hrang a hmalakna tur a awm a, chungte chu 2009-2010 chhungin mumal taka hmalak a harsa a. Kum 2010-2011 chhung hian tha zawk leh tangkai zawka hmalak tum mek a ni tih kha kan sawi duh baw k a.

Tin, leiba hi kan sawi nasa thin a, tunhma pawhin keini pawhin Pu Speaker, kan sawi thin a ni. Hemi GSDP atanga teh a a san viau chungchang hi sorkar pawhin leiba hi a ngaipawimawh hle a. Mizoram sorkar leiba tam hle anga a lanna hi, a pakhat chuan State economy hi a tet vang a ni a. Kan leiba hi GSDP atanga teh vang ani ber a. Chutiang chuan sorkar pawhin leiba tih tlem tumin theih tawp a chhuah reng a. Tunah hian ni 31.3.2009-ah hian GSDP atanga teh in 85.50% a ni a, ni 31.3.2010-ah phei hi chuan 78.44% ni tur a chhut a ni nghe nghe a ni. Sorkarin structural adjustment loan hnuaiyah leiba thenkhat 9% a interest a rulh hun hma a rul turin, pre-payment pe turin a buatsaih tawh nghe nghe a ni tih kha kan han sawi duh a. Chutiang chuan hetiang a chhut hian 2010 leh 2011 kum tawpah chuan 30.3.2011-ah chuan GSDP atanga chhutin 70.78% ah kan tla hniam dawn nghe nghe a ni. Tichuan GSDP atanga the ni lova absolute amount ang chuan State dangte aiin kan sang bik chuang lem lova, RBI Publication – Study State Budget, 2008-2009 ang phei chuan India ram State zingah Sikkim, Meghalaya leh Arunachal Pradesh tih loh ah phei chuan leiba nei tlem ber kan ni nghe nghe a ni. Tichuan consolidated sinking fund tih chungchang hi member thenkhat te khan nimin lamah khan an rawn raised, Chief Minister Budget speech-ah hian 2010-2011 ah khan consolidated sinking fund-ah cheng vaibelchhe 16.05 kan invest ang a tih laiin cheng vaibelchhe 16 chauh budget-ah a awm ani ti a, financial statement a diklo anga rawn sawi kha a awm deuhin ka hria a, hei hi hriatsual palh niin a langa 2010-2011-ah hian Annual Financial Statement 2048 Appropriation for reduction hnuaiyah hian Rs. 17 crore dah a ni a. Heta tang hian 16.50 crore hi consolidated sinking fund a invest tur a ni a. Tichuan 50 lakh hi redemption fund ah invest tur ani baw k a, hei hi Demend for Grants bu page 627-ah khan a hmuhtheih nghe nghe a ni.

Tichuan, NLUP chungchang chu nichin ah khan kan sawi nual tawh a, NLUP hi kan Budget kal lai mekah singkhat dah a ni a. NLUP kan sem leh hman tak loh avangin nichina kan sawi tak ang khan a beneficiary tur tena an thlan dan te leh thil dangah la rem lohna a awm avangin he nuai singkhat hi Department hrang hrang leh a mamawh zual tute hnenah semdarh a ni a. Tunah hian nuai sangkua leh zanga sawmnga pahnih kha khawiah nge a awm tak tih ang chi te kha a awm a ni. Chungah chuan a tlangpuiin kan han pek tamna deuh chu (Finance Department; Planning Department te an han pek tam deuhna chu) Education-ah hian hlawh indaih lohna te hi a nasa em em mai a, hengah hian nuai sangkhat pek a ni a. Tin, UD & PA ah hian kan thalaite infiamna lama khawvel deng chhuak thei tura kan hmuh avangin an tan hian inpek tam deuh a ngai a ni. Football khelh te, thil dang dangah tan an lak zual theih nan tih phur nan tiin nuai sangkhat leh sawmkua leh paruk lai te pek a ni a. Tin, District Council-ah hian nuai zakua leh panga lai pek a ni baw k a ni. A bak neuh neuh kha tam tak a awm a, heng hi a bo lova, a tul anga sem darh a ni a. Supplementary Demand-ah khan kan lo passed tawh nghe nghe a ni.

Tichuan, NLUP chungchangah hi chuan tunah hian DPR kan zuk siam ve, sorkarin a siam ve, Planning Commission-ah a zuk theh luhah kha chuanin nuai 2526 vel beisei a ni a, nimahse langin, kan Chief Minister zahawm tak India ram politician, India ram mite zingah pawh figure tling pakhat kan ram tana remna leh muanna atana lo inhiantu hi India laipui chuan a theihngihl lova, an hre em em mai a, a tlatlum bawka, fa-duat takin min duat bawka, chuvang chuan he NLUP, kan party flagship programme atan hianin Planning Commission lam te, a thawktu zawng zawngin min phurpuia, chutah chuan vawiinah hian kan beisei aia tam zawk vaibelchhe 2907.90 min rawn pe dawn a ni, hei hi nimin lamah khan an final tawh a, ropui kan ti a. Kan hotuten hmanhmawh lutuk lova kal hi a tha an tih hi vawiinah hian a thatna te pawh lo lang chho zelin kan hria a, a lawmawm kan ti tak zet zet a, hei hi Mizoram mipuite, Pi Sonia Gandhi te, Man Mohan Singh-a ten an ngaihtuah zia leh chumi enkawltu, a hotupa ber chawimawina atan kan miretheite a ngaihsak em avanga a duh anga tih puitlin theihna atana he thil hi an rawn pek a ni a. Central Sorkar chungah te, Planning Commission Chairman leh a member zawng zawng chungah te lawmthu ka sawi a, min veipui em em tute, kan opposition member zahawm tak tak te pawh kha in lawm ve ngei kan ring a ni. Hetiang pawisa tam kan han hmu thei hi chu.

Nichina ka'n sawi tak ang khan kan pawisa Planning Vice Chairman ten min han sem darhna ah khan lawmawm em em zual a kan han hriat chu Lammual Carpet phahna tur kan han nei ta ringawt mai te hi a ropui a. Hemi construction of artificial grass atan hian vaibelchhe 3 leh nuai 64 leh singkhat leh 244 a ni dawn a. Pavillion te hi hei aia tha deuh in tih tum a ni dawn a. Construction of Gallery No. 1&2 te hmangin kan han ti ang a. Heta tan ringawt pawh hian vaibelchhe li pek ani a.

Tunhnaiah member ten in han sawi chhuah takah chuan kan opposition thalai ten Lungleiah te, Aizawlah te Mombati te an sem a, a lawmawm khawp mai a. Dawrpui pheih vel te leh mihausa awmna lo ah hian sem sela, mi an lawm zawk turah ka'n ngai a. Mihausa zawk, inverter te nei thei te awmna hmun a sem ai chuan a tuartu tak tak deuh, chutiang lei ve phak lo te kha sem tur ani a. Chung ang ah chuan heng Tuirial Hydro Electric Project te, Tuivai te, leh chhim lamah te heng ho hi tam tak tih puitlin tumin vawiinah hian kan hotupa in hma a la mek a. Chung bakah chuan Tuipuumkh Electrical Project te pawh hi mega watt 1200 pe chhuak thei tur a ni a. Hei hi Assam leh Manipur leh Mizoram share kan insem dawn a, a inang pat in kan nei dawn a ni. Kum 5 atanga kum 10-ah chuan 5% kan nei ang a. Chuta an khuah hlawhtlinna atanga kum 10 thleng chuan 60 mega watt a thlawnin kan nei dawn a ni. Tin, kum 10 atanga kum 10 dang, kum 20 thleng anih chu, chutah chuan 10% a ni lehngal dawn a. Mega watt 120 a thlawnin kan nei leh ang a. Tin, kum 15 a lo nih a, chuta tanga chhiara kum 15 a ral leh thleng khan 15% mega watt kan nei nghe nghe dawn a. Heng hi mega watt 180 lai a lo tling tawh dawn a ni. Vawiin a kan in puhmawhna tam tak hi heng atang ringawt pawh hian kan puhruk thei turah kan inngai a ni. A lawmawm kan ti khawp mai a.

Tin, ka'n sawi leh duh chu Pu Speaker, kum tin dan pangngaiin tunah kha chuan kan zawhna leh engngemaw kha kan re-up chauh a ni a, a budget pangngai kha ka la sawi lova. Kan sawi dawn chauh a ni a. Kumtin tih dan pangngai a ni a, he budget session hi. 2010-2011 atana kan Annual Plan Budget hi kan Finance ni bawka kan ni 19/3 khan he House-ah a rawn pharh tawh a.

Tichuan, Planning Commission in kuminah hian kan duh hunah ti ila, minrawn ruahman fel pui hman lova. Chuvangin kum 2010-2011 Annual Plan Size chu nikum, kumin ala ni ang chu (2009-2010) Annual Plan Size ang khan 1250 ah kan thu rih a ni a, hetiang hian kan han kal a ni.

He Annual Plan Size hi 1500 crore kan Chief Minister ina a rawn hawn tur a hi, a bak 250 crore hi supplementary Demand atanga siam rem leh tur a ni a. Hei hi nimin lama member ten demand in siam ang leh kan Chief Minister leh kan Speaker te pawhin an pawmpui hi, hei hi tuna supplementary Demand kan kalpui ang lo deuh hian a tul chuan special session te kan ko ang a; hengte hi discuss tur a ruahman a ni.

Hetianga a vote on Account ni lova kalpui hi, thil tih dan awmlo leh tih ngai loh anga rawn sawi kha, kan ramah chuan kan la ti ngai lo maithei e. Mahse, state dangah tih thin zawk leh awlsam zawkna tam takah anhmuh theih avangin keini pawhin tih ve kan Finance Department lam atang hian tha an ti a.

Nimin lamah te pawh khan tun ang hian kal ta ila, hetiang Financial Year dawna buaina chuk chuk emaw hi awm lo tur a ni thei ang a. Chuvangin tunah hian Plan size kumina minrawn pek ang hi la hre lo pawh ni ila, tuna kan tihnaah hian la tello pawh ni selangin Department tan nikum base a kan kal avangin sum kha tam deuh hlek pawh draw chhuah tum selangin, thla li lek atan ni lova kan tih avang hian an draw chhuak thei ang a, kan hmang ang a, development pawhin a kal chak phah thei ang tih kan ring a ni. Chuvangin, dan tha tak, kalphung thar he House hian vawiin hian a rawn zawh niin kan hria a alawmawm khawpin kan hria a ni.

Tichuan, kumin 2009-2010 hi 12<sup>th</sup> Finance Commission hun tur a ni a. Tin, 2010-2011 hi 13<sup>th</sup> Finance Commission bul a tawn tan ve hun tur a ni a. Hei hi kan vannei hle mai a, Finance Commission te hi bul an intan that hi chuan a hma aiin sumte pawh hi a lo tam nge nge thin a. Tiang chuanin keini pawh hi kan vannei hle in ka hria a, 2010-2011 hi Finance Commission hun thar tur anih avangin kan sum dinhmun pawh hi a tha chho viau a ni tih pawh kha ka sawi duh a ni.

Tichuan, consolidated fund, (sorkar sum kan tih ber-receipt leh expenditure kan siam ber thin a kha a ni a) hi Revenue leh Capital Account-ah then a ni ber thin a. Tin, non-plan leh plan ah sawi a ni ve tho thin a ni. Chutianga chuan consolidated fund hnuaiia sum dinhmun tur chu leimin atan chuan hetiang hi a ni dawn a ni. Revenue & Capital Account-Revenue Account hian sorkar sum hmuhna leh inrelbawlna peng hrang hrang leh maintenance chi hrang hrangte hi a huam ang a, tichuan Revenue Receipt-ah hianin 2010-2011 chhunga Revenue Account hnuaiia sum hmuh tur beisei zawng zawng chu crore 3253.85 a ni a, sum hmuhna hnar te chu hetiang hi a ni dawn a ni. State's own tax revenue ah hian vaibelchhe 182.26. State own non-tax revenue ah hian vaibelchhe 166.37. State share in Central taxes ah hianin cheng vaibelchhe 563.06 a ni ang a Grants-in-aid from central government ah hianin vaibelchhe 2406.18 a ni. Chuan avaiin vaibelchhe 3253.85 a ni dawn a ni.

Chuan Revenue expenditure ah hianin general services te, social services te, economic services te a then a ni a. Chuta tana sum ruahman chu hetiang hi a ni ve thung dawn a ni. General services ah hianin vaibelchhe 1063.40 a ni ang a, social services ah

hianin vaibelchhe 1051.16 a ni ang a, economic services ah hian vaibelchhe 797.67 a ni ang a, kan sawi tak ang khan a vai chuan vaibelchhe 2912.23 a ni dawn a ni.

Tichuan kan tarlan tak angin 2010-2011 hi Finance Commission thar intanna kum a ni dawn a, sum dawn tur pawh alo pungin, kan dinhmun hi a ziaawm hle ka tih tawh kha. Chuvang chuan Revenue surplus pawh kan nei ve dawn nghe nghe a ni. Revenue expenditure ah hianin hlawh pung avanga senso belh tul hrang hrang te, pension pung tur te ruahman nghal vek ani a.

Tichuan, Capital account hi revenue ang bawkin receipt leh expenditure ah a awm ve leh a, chu chu capital receipt tia kan sawi ber hi Public debt, receipt hmun hrang hrang atanga sum pung te leh recoveries of loans and advances te, sorkarin loan a sem atanga hmuh leh te hi a ni a. Kum 2010-2011 atana ruahman chu hetiang hi a ni. Recovering of loans and advances-ah hianin vaibelchhe 30.01 a ni ang a. Public debt-ah hianin crore 229.59 a ni ang a, a vaiin crore 259.60 a ni dawn a ni. Tichuan, capital expenditure hian capital outlay ro tling siamna tura senso-loan and advances te, sorkarin MLA loan a siam te, sorkar hnathawk te hnena loan a sem te, Housing loan pangngai-normal housing loan kan tih, khatiang hrang hranga senso atan bakah repayment of loans te, sorkar leiba rulhna atana sum senso kan ti ang chu, khangte kha a huam a. Tihian, Capital Outlay, General Services te, Social Services te, Economic Services ah te then a ni a. Heta tana sum ruahman chu Capital Outlay-ah hian vaibelchhe 388.48 a ni ang a. Loans and Advances-ah hian vaibelchhe 25 a ni ang a. Repayment of loans-ah hian vaibelchhe 52.20 a ni dawn a ni. A vaiin vaibelchhe 665.68 a ni. Tichuan, Capital Account hnuaiyah chuan sum indaih lohna hi vaibelchhe 406.08 a awm ve thung ang a. Hei hi Revenue Account atanga sum hman bang – Revenue surplus leh Public Account atanga sim te in hnawh khah tum a ni, chuta tan chuan ruahman a ni nghe nghe a ni.

Tichuan, Plan leh Non-Plan Account hi han sawi leh lawk ila, consolidated fund hi non-plan account-ah tih tan a ni thin bawk a, plan leh non-plan expenditure chu hetiang hi a ni dawn a ni, chung a kan sawi ang hian Mizoram sorkar annual plan 2010/2011 chu vaibelchhe 1750 bakah sum dang hman tur CSS te hi kuminah tih thar ani a, CSS atan hian crore 139.25 ruahman a ni thin a. 2010-2011 atan plan expenditure pumpui hi cheng vaibelchhe 1443.25 a ni dawn a. Tichuan, annual plan final hun ah chuan a lo pun belh leh beisei a ni a, supplementary demand a hranin House-ah nichin a kan sawi ang khan thlen leh a ni dawn a ni. Tichuan, 2010/2011 a budget ruahmanah hian kum danga tih ngai loh CSS hnuaiyah sum hmuh leh turte dah lawk a ni a, he pawisa hi central sorkar atanga sanction hmuh vele department ten an hmang thei dawn a ni. Finance a chhun luh a Department alo pek kual leh te te a tih ai khan Department ten an hmang thei dawna, hei hi thil thar niin department te tan a thil awlsam zawkna expenditure ani. Tichuan non-plan expenditure hi a pumpuia atana ruahman chu cheng Vaibelchhe 2276.41 a ni a. Tin, net expenditure chu cheng vaibelchhe 2134.6 ni tura chhun a ni a. Tichuan, non-plan expenditure hnuaiyah sum hman lian tham deuh deuh te chu salary te, pension-te, interest payment te, Office expenses te, travelling expenses-te, medical re-burserment te leh minor work chi hrang hrang te a ni.

Tichuan, contingency fund te pawh hi state ah dan kan lo siam tawh a.”The Contingency fund of the state of Mizoram Act, 2009 in a phut angin,

compass fund a tan khan Rs.200 Crore ruahman a ni a. Sum hi 2009-2010 ah khan Pu Speaker kan lo dah tawh nghe nghe a ni. Khatia tangka sum hman chhuah apiang kha supplementary demand atanga dah khah leh vek tur a ni a. Tichuan, net expenditure hi Nil a ni ang a. Tichuan, kum tawpah chuan crore 20 hi awm tura chhut leh a ni nghe nghe a ni.

Tichuan, Public Accounts hnuaiyah hian sum hmuh tura chhut zawng zawng chu Rs.6,542.31 crore a ni ang a. Tichuanin hman tura ruahman thung chu Rs.6,44 4.31 crore a ni ang a. Chuvangin Public Accounts ah chuan Net receipt chu Rs.98 crore ni turah ruahman ani nghe nghe a ni. Budget dinhmun hi tlem a zawng han sawifiah leh dawn t a ila. Revenue Surplus hi 2010-2011 ah hian budget estimate ah kum hmasa lam atanga indaih lohna kal zelah opening deficit kan nei a. Chu opening deficit chu kum in ah hian 36.18 crore a awm dawn a ni. 2010 - 2011 ah chuan budget surplus hi Rs.33.55 crore awmin, kum tawpah chuan closing deficit hi Rs.2.63 crore chauh kan nei dawn a ni. A lawmawm hle mai, kum 2010-2011 chhunga budget surplus kan nei thei hi member ten in lawm pawh kan ring tak zet a ni. Sorkar sum dinhmun tehna tak tak zawk erawh hi chu revenue account dinhmun leh Fiscal account dinhmun te hi a ni a.

Tichuan Revenue Account ah kan sum hmuh hi kan expenditure aia a tam zawk hian revenue surplus a ni a. Chu surplus chu Capital Account ah rotling, capital asset siam nana hman tang kai a ni dawn a ni. Chutiang chuan hi revenue receipt hi revenue expenditure aia a tlem zawk erawh chuan revenue deficit kan nei tihna a ni a nga. Rotling siam na tur a sum kha revenue expenditure ah hman a ngai ta thin a ni. Hetiang atanga han teh hian kan sum dinhmun hi a ziaawm hle a, chutiang chuan revenue surplus hi cheng vaibelchhe 341.63 nei tur a chhut kan ni a, hetiang kan dinhmun alo ziaawm theihna chhan hi kan sawi tak ang khan thirteenth finance commission in sum ruahmanna tam tak minrawn pek vang a ni ti ila a dik awm e.

Tichuan, fiscal deficit hi sorkar sum dinhmun tehna pawimawh tak a ni a, fiscal deficit kan neih dan hi en in hemi in a teh ber chu sorkar in sum puk tel hauh lova, a hmuh zawng zawng leh a hman ral zawng zawng in thlauhna hi a ni. Heng hi MLA zahawm tak ten kan hriat chian a pawimawh hle in ka hria. Chumi in daihloh na chu sum puka in hnawhkhah tul tak avangin leiba tipungtu a ni thin a ni. Tin, sum puk hmuna chu rotling leh hmasawna lam atana hman tangkai a nih loh phei chuan sum puk buaipui reng reng in kan buai ang tih a hlauhawm khawp mai. Chuvangin hemi kawngah hian Finance Commission te, sorkar te leh Reserve Bank of India te leh kan Finance, helaia a enkawltu te, englai pawh in an in be rawn reng thin a ni, Sum dik taka hmang tur in an in chah reng thin a ni. Mizoram sorkar pawhin Mizoram Fiscal responsibility and budget management Acts te pawh kan nei ve nghe nghe tawh a nih kha.

Tichuan leiba chungchang hi kan sawi thin a, Mizoram Sorkar hi leiba tam hle a sawi ani thin a ni kan sawi tak ang khan GSDP atanga tehin India rama sang bera sawi kan ni thin a. Hei hi sorkar pawhin a ngaihtuah hle a, tan a la thin a, Mizoram economy hi a tet em avangin GSDP atanga teh in kan leiba

hi a zan hmel viau a. Engpawh niselangin leiba chungchang hi sorkarin a ngai pawimawh khawp mai. GSDP atanga tehin tihhniam zel a tum a, 31.3.2009 ah chuanin kan leiba chu crore 3259.82 a ni a. Hei hi GSDP atanga teh chuan kan sawi tak ang khan 85.58% a ni a. Tichuan 31.3.2010 ah erawh chuan vaibelchhe 346.83 crore a lo ni ang a, tichuan GSDP atanga tehin 78.4% ah a lo tla hniam dawn a ni. Leiba rulhna leh interest rulhna atan te, sorkar senso pung zel tur ven nan te, Sorkar fiscal policy pawimawh tak chu hei hi a ni a. Hemi kawngah hian ADB puihna hmanga structural adjustment loan, nichina kan sawi tawh ang khan loan sang tak 9% a sanga puk te pawh kha pre-paid turah kalpui mek ani. Hei hian leiba pung zel tur a ven bakah interest atana senso a tikiam nasa hle turah kan beisei nghe nghe a ni.

Tin, Member thenkhatten in rawn ngai pawimawha sinking fund tih ang chite pawh kha guarantee redemption fund tihte hi sorkarin leiba pung zel tur a ven chhoh mai bakah nakina leiba rulhna tur atan sum lo khawlkhawm hi Reserved Bank of India nena tangkawpin tuna sorkar hianin a ti mek a ni. Tichuan sinking fund-a sum kan dahkhawl hi ni 30.3.2010 ah hi chuan Rs.79.24 crore vaibelchhe a lo tling tawh dawn a, a pung te nen phei chuan tlem a zawngin a tam belh turah ngai ila. Tichuan kum 2010-2011 ah hian helaia dahbelh tura ruahman hi chu 16.50 crore vaibelchhia ani nghe nghe dawn a. Tichuan, a principal ringawt pawh chu ni 31.3.2011 ah chuanin Rs. 95.74 vaibelchhia a lo tling dawn a, a punge nen phei chuan a tam tham ve tawh viau turah kan ngai a ni.

Pu Speaker, sorkar guarantee hnuaiia sum puk te rulh theih loh avanga sorkarin a rulh a tul thut chang te pawh hi a awm thin a. Wawiinah pawh hian, hei Champhai lam winery factory ah te nuai 70 te, nuai 90 te, khatiang ang kha dan mumal awm lutuk si lovin inpuk tir te a awm a. Hengte pawh hi an rulh theih loh chuan sorkarin a chhun khah mai loh chuan tih ngaihna a awm lo maithei a. Chung atan te pawh chuan a ni thei ang a. Guarantee redemption fund chu May 2009-ah khatiang kha kan siam a. Kumin chhung hian nuai 50 kan dah a. 2010-2011 ah hian nuai 50 dang dahbelh leh tur a ni a. Chungah chuan kumin ah pawh hian sum kan han pawh meuh chuan a principal chu vaibelchhe khat, nuai za lai a lo tling tawh dawn a ni.

A tawp lam atan chuan Pu Speaker, FRBM statement leh half yearly review/fiscal position hi Finance Minister, Chief Minister zahawm tak hian half yearly review hi a nei chho mek a ni. Chutiang tur chuan FRBM Act-in a phut angin medium term fiscal policy statement te, fiscal policy strategy statement te, macro economic frame works statement te hi budget-ah pawh hian document zing ah pharh tel zel a ni a. Tunah pawh 2010-2011 ah pawh khan pharh tel a ni nghe nghe a ni. Tichuan, a chunga kan han tarlan ang khian kum 2010-2011 chhunga sorkar sum dinhmun tur chu ruahman alo ni ta a. Kan sawi ang khan kan sum dinhmunte a lo zia awm hreta a lan avang hian member te lawmthu ka'n hrilh che u a. Nangmahni pawh in lawmin ka'n ring a. Amaherawhchu, sorkar hi inthlahdah thei a ni hauh lova. Fiscal reform lamah hian tan lak zel a tul a. Hei bakah hian sum dinhmun in a thlen tur hi kan thlen ngei pawh ka duh a. Chutiang tur chuan sorkar hi a inpuahchah mek a ni a. Kan member zahawm tak tena min finchhuah zel turin diklo chu he House-ah hian theih tawp chhuaha a dik lohna te kan sawi a. Kan siamthatna te rawn hmang chho zel turin ka ngen che u a ni. Tin, Pu Speaker, chanchinbu thenkhatah te Press Conference-ah te Party thenkhat ten kan Chief

Minister hi Budget face ngam lo ang lek lek te in sawi a awm a. TV lamah te kan hmu a. Hei hi a ni hauh lo a ni tih kan sawi duh a.

Tin, Minister thenkhat ten Finance Minister tak tak awm sela. Vawiinah hian a hma a thusawi kan duh a ni an tih te pawh hi a awm ka ti em em a, tha kan ti a, dik kan ti a. Amaherawhchu, chutih rual chuan keini thawkho hi kan thawh hona hi a tha em em a. Chief Minister a awm loh chuan a aiawhtu leh a Minister te, a MLA te a ring zo em em a. Tin, Party meeting nikhuaah pawha a awm loh pawhin a aia thil kan lo tih zawng zawng pawh hi tun sorkar kum khat, thla nga zet kal tawhah pawh hian pakhatmah a awm loh laia kan thiltih hi a thalo tih sawi a nei ngai lova. Tha a tiin a lawm em em thin a ni. Chuvangin kan thawhhona hi a tha a. Vawiin a in thusawite leh kan lo tih te pawh hi kan Chief Minister chuan tha a ti em em ang tih ka ring a. Budget face ngam loh lam ni lovin kan la ti dawn chauh a. A lo haw mai dawn a, chutah chuan kan tan hmunsiamin, kan ram tan theihtawp chhuahin, sum leh pai ngaihtuah in a zuk kal a. A zuk kalna ah hian a hlawhtling tha em em in kan hria a, kan lawm tak zet a ni tih kha kan sawi nawn leh duh a.

Tichuan Pu Speaker, a chungar tarlan ang khian he budget estimate 2010-2011 hi sorkar leh mipui tana tangkai tura theih tawpa duan chhuah a ni a. He House hian min pawmpui turin ka rawn ngen a ni.

**S P E A K E R** : Awle, vote lak a ngai lova, House Leader in a rawn wind-up a. Bengvar thlak tak tak a ni a. Amaherawhchu, khami kha kan ta vek a ni tih kha hria ila. MLA Fund erawh kha chu kan in tita leh zual deuh a ni. Tah kha chuan kan duham tlang deuh chuan ka hria. Kei pawh hi duham ber tur niin ka in hre lawi a. Engpawh nisela khang te pawh kha kan la ngaihtuah ho zel turah ngai ilangin a tha awm e.

Awle, vawiin a kan business chu kan zo ta a, naktuk 24.3.2010 zing 10:30 ah kan tan leh dawn nia.

Sitting is adjourned at 3:30 PM.